

四庫全書

史部

欽定四庫全書

史部

通典卷五十六至九

詳校官侍郎臣李封

編修臣程嘉謨覆勘

覆校官助教臣吳省蘭

校對官助教臣金學詩

謄錄監生臣陸潮愈

欽定四庫全書

通典卷五十六

唐京兆杜佑

君卿纂

禮十六嘉一

天子加元服

周北齊

後漢大

魏

東晉

後魏

周制文王年十二而冠

文王十三生伯邑考左傳曰冠而生子禮也許慎五經異義曰

春秋左氏傳說歲星為年紀十二而一周於天天道成備故人君年十二可以冠自夏殷天子皆十二而冠

王十五而冠

譙周五經然否論曰古文尚書說武王崩成王年十三推武王以庚辰歲崩周公以

壬午歲出居東癸未歲反禮公冠記周公冠成王命史作祝辭告是除喪冠也周公未反成王冠弁開金縢之書時十六矣是成王十五周公冠之而后出也許慎五經異義云武王崩後管蔡作亂周公出居東是歲大風王與大夫冠弁開金縢之書成王年十四是喪冠也者恐失矣按禮傳天子之年近則十二遠則十五必冠矣

將冠筮日筮賓

冠義曰古者聖王重冠筮賓所以敬冠事既言古者則不起於周

行之

於廟

冠義曰重冠故行之於廟者不敢擅重事所以自卑而尊先祖也

冠委貌於阼三

加彌尊

冠義曰冠於阼以著代也三加彌尊加有成也大戴禮公冠篇曰公冠四加三同士後加玄冕

天子亦四加後加袞冕

裸享樂於廟

所以知冠有享樂者春秋左傳曰晉侯問魯大夫季武子

襄公年曰君可冠矣武子對曰君冠必以祿享之禮行之以金石之樂節之以先君之祧處之 周公冠

成王命祝雍頌曰近於人遠於年遠於佞近於義嗇於  
時惠於財任賢使能說曰冠義云冠者禮之始也凡人  
之所以為人者禮義也禮義之始在於正容體齊顏色  
順辭令而後禮義備以正君臣親父子和長幼故冠而  
後服備服備而後容體正顏色齊辭令順古者聖王重  
冠所以為國本也五經要義云冠嘉禮也冠首服也首  
服既加而後人道備故君子重之以為禮之始矣孔子  
曰正其衣冠尊其瞻視儼然人望而畏之又曰不莊以

蒞之則民不敬此人君重冠之義也王教之本不可以童子之道理焉或云周禮雖有服冕之數而無天子冠文又儀禮云公侯冠禮者王肅鄭玄皆以為夏末衰亂篡弑所由生焉故作公侯冠禮則明天子冠禮之審又無大夫冠禮古者五十而後爵何大夫冠禮之有周人五十而有賢才則試以大夫之事猶行士禮故筮賓於阼以著代醮於客位三加彌尊皆士禮也者今按大戴禮有公冠篇云公冠四加天子亦四加又家語冠頌云

王太子之冠擬諸侯之冠天子之元子亦擬諸侯四加  
諸侯之子同於士據此自天子至於諸侯非無冠禮但  
因秦焚書遂同蕩滅其周制士冠禮頗備王者時採行  
焉○漢改皇帝冠為加元服惠帝加元服用正月甲子  
若景子為吉昭帝冠辭曰陛下擣著先帝之光輝以承  
皇天之嘉祐欽奉仲春之吉辰普尊大道之郊域秉率  
萬福之丕靈始加昭明之元服推遠冲孺之幼志蘊積  
文武之就德肅勤高祖之清廟六合之內靡不蒙福承

天無極○後漢制正月甲子若景子為吉日可加元服

儀從冠禮乘輿初加緇布進賢次爵弁次武弁次通天

冠訖皆於高廟如儀謁見續漢書云加元服乘輿皆於高祖廟謁見按世祖制始冠

緇布冠於宗廟從古制和帝冠以正月甲子乘金根車駕六玄虬

至廟成禮乃迴軫反宮朝服以饗宴撞太族之庭鐘咸

獻壽焉黃香頌云惟永元之盛代聖皇德之茂純躬烝烝之至孝崇敬順以奉天以三載之孟春建寅

月之上旬皇帝時加玄冕簡甲子之元辰皇興幸夫金根六玄虬之連蜷建螭龍以為旂鳴節路之和鑾既臻

廟以成禮乃迴軫而反宮正朝服以享燕撞太族之庭鐘祚蕃屏與鼎輔暨夷蠻之君王咸進爵於金鼎獻萬



壽之玉觴頌文多令但錄其事耳螭音摧順帝以初月景子加元服於高廟

時兼用曹褒新禮其儀不存順帝都洛陽亦立高祖廟矣獻帝興平元年正月甲子

加元服司徒淳于嘉為賓加賜玄纁駟馬賜貴人王公

卿司隸校尉城門五枝侍中尚書給事黃門侍郎各一

人為太子舍人○魏氏天子冠一加其說曰古之士禮服必三加彌尊所

以喻其志至於天子諸侯數無文將以踐阼臨人尊極德成不復與士以加喻勉為義禮冠於廟自魏不復在

廟○東晉諸帝冠儀一加幘冕將冠金石宿設百僚陪

矣又先於殿上鋪大牀御府令奉冕幘簪導袞服以侍

中常侍太尉加幘太保將加冕太尉讀祝文曰今日吉  
辰始加元服皇帝穆穆思弘袞職欽若昊天六合是式  
率遵祖考永永無斃眉壽惟祺介茲景福加冕訖侍中  
繫玄紱脫帝絳紗服冠事畢太祝率羣臣奉觴上壽王

公以下三稱萬歲乃退

孫毓五禮駁曰魏氏天子一加三加嫌同諸侯毓按玉藻記曰

玄冠朱組綬天子之冠也緇布冠續綬諸侯之冠也其說謂皆始冠則是有次加之辭此二冠皆卑服質古勢不一加必重加朝祭之服以崇彌尊聖人制禮所以一時歷加衆服者今始成人卜擇今日而偏加之所以重始也若冠日有不加者後必不擇吉而服非重始也又禮器有以少為貴者冠不在焉記有彌尊喻志之言蓋

以服從卑始象德日新不可先服尊服轉而即卑今嫌  
士禮喻志之文因從魏氏一加之制考之王藻似非古  
典今三加者先冠皮弁次冠長冠後冠進賢冠以為彌  
尊於意又疑裴頠答治禮問天子禮玄冠者彤之成也  
為君未必成人故君位雖定不可孩抱而服冕弁摯虞  
以為天子即位之日即為成君冕服以備不宜有加諸  
侯即位為成豈不定諸侯成君不拘盛典而可以冠  
天子成君獨有火龍黼衣便不可乎意為宜冠有加成

帝用三元吉日既加元服拜於太廟穆帝孝武將冠皆  
先以幣告廟訖事又廟見臺符問修復未畢吉凶不相  
干為可加元服與不太常王彪之議禮雖有喪冠當是  
應冠之年服制未終若須服終便失應冠之年故也禮

所以冠無定時月春夏不可使用秋冬若今歲內修復未畢入新年卜仲春之日加元服不失年不失禮今便准喪冠闕饗樂而行事誠有倚傍然加袞冕火龍煥然以准喪儀情有不體若別有事必速加元服權諸輕重不須修復畢者便當准喪冠耳又議新年至尊當加元服今若依成帝故事用三元日者冠有金石之樂恐修山陵未畢於樂便闕禮冠自卜日又云夏葛屨冬皮屨無定時不必三元也按晉故事及兩漢皆非三元當任

時事之宜耳又議近訪得成皇帝加元服儀注闕無拜  
廟事按禮冠皆於廟儀禮云既畢賓出主人送於廟門  
明必在廟近代以來不復在廟成皇帝既加元服拜太  
廟以告成蓋亦猶擬在廟之儀今既加元服亦應拜廟  
○後魏正光元年秋孝明帝年十一加元服訖拜太廟  
大赦改元○北齊制皇帝加元服以玉帛告圓丘方澤  
以幣告廟擇日臨軒中嚴羣官位定皇帝著空頂介幘  
以出太尉盥訖升脫空頂幘以黑介幘奉加訖太尉進

太保之右北面讀祝訖太保加冕侍中繫玄統脫絳紗袍加袞服事畢太保上壽羣官三稱萬歲皇帝入溫室移御座而不上壽後日文武羣臣朝服上禮酒十二鍾米十二囊牛十二頭擇日親拜圓丘方澤謁廟○大唐之制如開元儀

皇太子冠

皇子皇孫附○周  
齊梁後魏

漢魏  
北齊

隋晉  
大唐宋

周制天子元子猶士也天下無生而貴者也

元子嗣子也無生而

貴皆由下升也明人有賢行著德乃得貴之家語  
冠頌篇曰天子之元子之冠擬諸侯之冠四加

○漢

宣帝冠太子以正月冠諸王遣使行事○魏氏冠太子

再加皇子王公嗣子乃三

孫毓以為一加再加皆非禮也

冠諸王因漢

遣使行事○晉惠帝之為太子將冠武帝臨軒使兼司

徒高陽王珪加冠兼光祿大夫屯騎校尉華廙贊冠

武惠

冠太子冠訖皆即廟見斯亦擬在廟之儀

太始六年南宮王承年十五依舊

應冠有司奏議禮十五成童國君十五而生子以明可

冠之儀又漢魏遣使冠諸王非古典於是制儀王十五

而冠遂草使命咸寧二年秋閏九月遣使冠汝南王東

惠帝以正月景午冠太子訖乃廟見懷帝亦以正月冠  
皇太子○宋冠皇太子及藩王以一加○齊武帝孫南  
郡王昭業冠後尚書令王儉議使太常持節一加冠大  
鴻臚為贊醺酒之儀國官陪位拜賀如常其日內外二  
品清官以上詣公車門集賀并詣東宮南門通牋別日  
上禮宮臣亦詣門稱慶如上臺之儀既冠之後尅日謁

廟

儉議曰皇孫冠事歷代所無禮雖有嫡子無嫡孫然南郡王體自儲暉實惟國重元服之典宜異列藩依

於諸王則輕同於儲皇則重按士冠禮主人玄冠朝服注云主人冠者之父兄也尋其言父及兄則明祖在不



為主也又春秋之義不以父命辭王父命則皇太子無專用之道宜使太常持節一加冠并撰立贊冠醺酒二辭不依藩國詔可祝辭曰皇帝使給事中太常武安侯蕭惠本

加南郡王冠筮日戒賓肇加元服棄爾幼志從厥成德親賢使能克崇景福醺酒辭曰旨酒既清嘉薦既盈兄弟具在淑慎儀型永永眉壽於穆斯寧明帝冠太子用正月○梁武帝天監十三年正月冠太子於太極殿修前代之儀○後魏孝文帝冠皇太子恂於廟詔曰司馬彪漢志漢帝有四加冠一緇布二進賢三武弁四通天

朕見家語冠頌篇四加冠公也家語孔子之言與正經何異諸儒惑司馬彪志致使天子之子而行士冠朕以為有賓諸儒皆以為無賓孔氏所云斐然成章其斯之謂矣○北齊制皇太子冠則太尉以制幣告七廟擇日臨軒有司供帳於崇正殿中嚴皇太子空頂幘公服出立東階之南西面使者入立西階之南東面受訖入室盥櫛出南面使者進揖詣冠席西面坐光祿卿盥訖詣太子前跪櫛使者又盥奉進賢三梁冠至太子前東面

祝脫空頂幘加冠太子興入室更衣出又南面就席光祿卿盥櫛使者又盥祝脫三梁冠再加遠遊冠太子又入室更衣設席中楹之西使者揖就席南面光祿卿洗爵酌醴使者詣席前北面祝太子拜受醴即席坐祭之啐之奠爵降階復本位西面三師三少及在位羣官拜事訖又擇日會宮臣又擇日謁廟○隋制皇太子將冠前一日帝齋於太興殿太子與賓贊及預從官齋於正寢其日質明有司告廟各設筵於阼階帝袞冕即御座

揖太子進升筵西向坐贊冠者坐櫛設纓賓盥訖初加

緇布冠進設頰

丘癸切

纓賓揖太子適東序衣玄衣素裳

以出贊者又坐櫛賓進加遠遊冠改服訖賓又受冕太

子適東序改服以出賓揖太子南面立賓受醴進筵前

北面立祝

之又切

太子拜受觶賓復位東面答拜贊者奉

饌於筵前太子祭奠禮畢降筵進當御東面拜納言承

詔詣太子戒訖太子拜贊者引太子降自西階賓少進

字之贊者引太子進立於庭東面諸親拜訖贊者拜太

子皆答拜與賓俱復位納言承詔降命令有司致禮賓  
又拜帝復降阼階下拜太子以下拜帝出更衣還宮太  
子從至閣因入見皇后而還○大唐貞觀五年正月有  
司上言皇太子將冠禮宜用二月為吉請遣官以備儀  
注太宗曰今東作方興恐妨農事今改用十月太子少  
保蕭瑀奏稱准陰陽家用二月為勝上曰陰陽拘忌朕  
所不行若動靜必依陰陽不顧禮義欲求福祐其可得  
乎若所行皆遵正道自然當與吉會且吉凶在人豈假

陰陽拘忌農時甚要不可暫失開元六年侍中宋璟上表曰臣伏以太常狀准東宮典記有上禮之儀謹按上禮非古從南齊後魏方始有此事而垂拱神龍更扇其道羣臣斂錢獻食君上厚賜答之姑息施恩方便求利皇太子冠乃盛禮自然合有錫賚上臺東宮處宴會非不優厚其上禮宜停其儀具開元禮

諸侯大夫士冠

夏

周

後漢

晉

大唐

夏小正記二月冠子之時也○周制繼世以立諸侯象

賢也

象法也為子孫能法其先祖之賢故使之繼世諸侯之子冠亦用士禮也

冠禮筮日筮

賓冠於阼醺於客位三加彌尊

阼謂主人之北也嫡子冠於阼若不醺則醺用

酒於客位敬而成之也戶西為客位庶子冠於房內戶外又因醺焉不代父也冠者初加緇布次加皮弁次加

爵弁每加益尊所以益成也

已冠而字之

成人之道也字所以相尊也

見於母母

拜之見於兄弟兄弟拜之

成人而與為禮

左傳曰晉侯問襄公

年大夫武子對曰會於沙隨之歲寡君以生晉侯曰十

二年矣是謂一終一星終也國君十五而生子冠而生

子禮也大夫盍為冠武子對曰君冠必以裸享之禮

行之以金石之樂節之以先君之祧處之今寡君在行

未可具也請及兄弟之國還及衛冠於成公之廟假鐘

磬焉禮也

大戴禮公冠篇云公冠四加家語冠頌云諸侯之子冠同於士

士男子二十

而冠

漢戴聖云男子陽也陽成於陰偶數起於二終二十謂之小成而冠鄭玄云任士職居士位故曲禮

云二十曰弱冠孔穎達云十九以下為殤身有德行幼為大夫則不待二十而冠

將冠筮日於

廟門

廟禰廟也冠必筮日於廟門者重以成人之禮不於堂者嫌著之靈由廟神

不吉則筮

遠日如初儀

旬之外日

主人戒賓

戒告也賓主人之僚友也將冠子故就告使來

曰

某有子某將加布於其首願吾子教之賓對曰某不敏



恐不能共事以病吾子敢辭

病猶辱也共音恭

主人曰某猶願

吾子之終教之賓對曰吾子重有命某敢不從主人再

拜賓答拜主人退賓拜送

退去也

前三日筮賓如求日之

儀

賢者恒吉冠必筮日筮賓者所以敬冠事重冠禮者也

乃宿賓賓如主人服出

門左西面再拜主人東面答拜

宿進也如主人服朝服

乃宿曰某

將加布於某之首吾子將蒞之敢宿賓對曰敢不夙興

主人再拜賓答拜主人退賓拜送

乃宿賓者親相見致其辭

宿贊冠

者一人亦如之

贊冠者佐宿為冠事者

冠日夙興設洗直於東榮

榮屋翼也  
直音值

陳服於房中西墉下東領北上

冠時先用卑服故北上便

爵弁服纁裳純衣緇帶韎韐

此助君祭之服爵弁冕之次也其色赤而微黑如爵

頭然用布三十升纁裳淺絳裳也純衣絲衣也韎音妹韐音閣

皮弁服素積緇帶素韐

此與君視朔之服也皮弁者以白鹿皮為冠象上古也積猶辟也以素為裳辟蹙要中衣布亦以十五升其色

象馬

玄端玄裳黃裳雜裳可也緇帶爵韐

此莫夕於朝之服玄端即朝服

之衣易其裳耳上士玄裳中士黃裳下士雜裳雜裳者前玄後黃士皆爵韐為韐其爵同不以玄冠名服者為

緇布冠

緇布冠頰項青組纓屬於頰緇纁廣終幅長六

尺皮弁筭爵弁筭緇組紘纁邊同篋

緇布冠無筭著頰圍髮際結項中隅

為四綴以固冠項中有緇亦由固項之為耳今未冠筭者著卷憤煩象之所生也屬猶著也纁今之憤梁終先也纁一幅長六尺足以韜髮而結之矣筭今之簪有筭者屈組為絃垂為飾無筭者纓而結其條纁邊組側赤也同筭謂此上六物墮方曰筭墮音他果切

櫛實於簞

簞筭也

蒲筵二在南

陳數

曰筵藉之曰席上重者皆言席取相承藉之義在地多言筵也側罇一甌醴在服北側猶

特也無

爵弁皮弁緇布冠各一匱

蘇管切

執以待於西坫

南面東上

匱今時冠箱執之者有司也

主人立端爵韞立阼階下直

東序西向

立端士入廟服也爵韞謂淺赤色韋為韞

兄弟畢袵立於洗東

西面北上

兄弟主人親戚也畢猶盡袵同也同

儻者立

端負東塾

門內東堂負之北面

將冠者采衣紒在房中南面

采衣未冠

所服凡童子緇布衣錦緣錦紳并紐錦束髮皆朱錦紒結髮

賓至主人拜迎於外門

之外揖讓而入主人升立於東序端西面賓西序東面

主人之贊者筵於東序少北西面

嫡子冠於阼少北避主人也若庶子則冠

於戶外南面遂醺馬不於客位者不代父成而不尊

將冠者出房南面贊者奠纚

筭櫛於筵南端

贊者賓之贊冠者也奠停也

賓揖將冠者即筵坐贊

者坐櫛設纚賓降西階一等

冠緇布冠

賓右手執項左手執

前進容

迎容者行翔而踰馬

乃祝曰令月吉日始加元服棄爾幼

志順爾成德壽考維祺介爾景福

元首也祺祥介景皆大也

坐乃冠

興復位贊者卒

卒謂設頻項結纓

冠者興賓揖之適房服玄端

爵韞出房南面

復出房南面者一加禮成觀衆以容體

賓揖之即筵降二

等受皮弁右手執項左手執前進祝曰吉日令辰乃申

爾服敬爾威儀淑慎爾德眉壽萬年永受胡福

申重也胡猶遐

遠無窮也今按詁訓胡不訓遐疑胡當為遐遐訓為大或當時傳寫謬誤鄭玄不加審正臆斷為遐耳

加

之如初復位贊者卒紘

卒紘謂繫屬也

興賓揖之適房服素積

素韞容出房南面

容者再加彌成其儀益繁

賓降三等

至地也

受爵弁

進祝曰以歲之正以月之令咸加爾服兄弟具在以成

厥德黃耆無疆受天之慶正猶善也加之服纁裳黼黻其他

如加皮弁之儀他謂弁絃容出徹皮弁冠櫛筵入於房主人贊者徹之

筵於戶西南面筵主人之贊也贊者房中酌醴賓揖冠者就筵

西南面賓受醴於戶東筵前北面辭曰甘醴惟厚嘉薦

令芳拜受祭之以定爾祥承天之休壽考不忘嘉善也嘉薦謂

脯醢芳香不忘長有令名冠者筵西拜受觶賓東面答拜筵西拜南面拜也賓

還答拜於西序之位東面者冠者奠觶於薦東降筵北明成人與為禮異於答主人

面坐取脯降自西階適東壁北面見於母

薦東薦左也適東壁者出

闈門時母在闈門之外婦人入廟由西闈門也

母拜受子拜送母又拜

婦人於丈夫雖

其子猶俠拜之若冠者母不在則使人受脯於西階不在謂疾病或歸寧使人受脯而後歸

賓降直

西序東面主人降復初位

初位初至階讓升之位

冠者立於西階

東南面賓字之曰禮儀既備令月吉日昭告爾字爰字

孔嘉髦士攸宜宜之於假永受保之曰伯某甫伯仲叔

季惟其所當

爰於也孔甚也髦雋也攸所也於猶為也假大也伯仲叔季長幼稱也甫丈夫之美

稱

冠者對

其辭未聞

賓出主人送於廟門外入見姑姊如見

母

入寢門不見妹卑也

乃醴賓以一獻之禮

一獻者主人獻賓而已即燕無亞獻酌酢

賓與主人各兩爵而禮成

主人酬賓束帛儷皮

財貨曰酬束帛十端儷皮兩鹿皮也 贊

者皆與贊冠者為介

贊者衆賓也皆與亦飲酒介賓之輔以贊為之尊之

賓出主

人送於外門外再拜歸賓俎

一獻之為人歸諸家其牲未聞 冠

者易服服玄冠玄端爵韠奠贊見於君遂以贊見於鄉

大夫鄉先生

易服不朝服者非朝事也贊雖也鄉先生鄉中老人為卿大夫致仕者

父歿

而冠則已冠掃地而祭於禰

盧植曰本父當成之不能成故已冠而祭之若成之

矣 已祭而見伯父叔父而後饗餐冠者

盧植曰飲賓也鄭玄曰享禮之王肅



曰兄弟飲冠者身

曾子問曰將冠子冠者至揖讓而入門聞齊

纓大功之喪如之何

冠者賓及贊者

孔子曰內喪則廢外喪則

冠而不醴徹饌而掃即位而哭如冠者未至則廢

內喪同門

也不醴不醴子也其廢者喪成服因喪冠矣

若將冠子未及期日而有齊纓

大功小功之喪則因喪服而冠

廢吉禮而用喪冠得成人之服也及至也

除

喪不改冠乎孔子曰天子賜諸侯大夫寃弁於太廟歸

設奠服於斯乎有冠醺無冠醴○議曰冠者表成人之

容正尊卑之序而令母兄姑姊與之交拜豈非混淆長

幼瀆亂人倫者乎所言答拜之文未必周公之旨東周衰末王室已卑諸侯踰僭削去典法重以秦皇蕩滅十無一存况復編斷簡蠹傳寫訛謬先儒注釋不加參詳遂令後學有所疑誤又按九拜之儀肅拜今揖也尊屬欣其備禮念其成人以揖示敬在禮非爽便同匹敵竊謂不然

本制冠禮正長幼之序鄭康成注云忻其成人與為禮若令母兄交拜豈非崇虛而損其實

○後漢何休冠儀約制云將冠于者具衣冠冠者父兄若諸父宗族之尊者一人為主主人告所素敬僚友一

人為冠賓必自告其家告曰某之子某若弟某長矣將  
加冠於首願吾子教之賓既許主人自定吉日先冠一  
日宿告賓曰請以明日行事賓曰敢不從命主人灑掃  
內外皆肅執事者於兩楹間為冠者設北嚮筵又設賓  
東嚮筵兩筵相接授冠以篋器設於兩筵又設罇爵於  
東方冠者如常服待命於房夙興賓到迎延揖讓如常  
坐定執事曰請行事主人跪告賓曰請勞吾子賓跪答  
曰敬諾賓起立西序東面聽命之禮賓冠者興西嚮拜

賓賓答拜訖命就筵賓主各還坐冠者北嚮筵坐復賓  
跪曰吾子之使請將命主人跪答曰勞吾子賓起就東  
嚮筵執事者執爵跪向冠者祝曰令月吉日始加元服  
棄爾幼志順爾成德壽考維祺介爾景福冠者即坐賓  
跪加冠訖冠者執爵酌地然後啐酒訖賓興復還本坐  
主人亦起乃俱坐冠者還房自整飾出拜父父為起若  
諸父羣從及兄應答拜者答拜如常入拜母母答拜其  
餘兄弟姑姊妹皆相拜如常主人命冠者出更設酬為

勸乃罷異日有祭事白告祖考者自如舊祭禮常儀○

晉王堪冠禮儀云水平元年

惠帝時

正月戊子冠中外四

孫立於步廣里舍之阼階設一席於東廂引冠者以長  
幼次於席南東上賓宗人立於西廂東面南上堪立於  
東軒西南面西上陳元服於席上宗人執儀以次呼冠  
者各應曰諾宗人申誠之曰以歲之正以月之令兄弟  
具來咸加爾服棄爾幼志順爾成德敬慎威儀惟人之  
則壽考維祺永受景福冠者高跪而冠各自著布興再

拜從立於賓南上酌四杯酒各拜醺而飲事訖上堂向御史府君再拜訖冠者皆東面坐如常燕禮時賓宗人東平王隆叔祚王循道安王業建始此皆古禮也但以意斟酌從其簡者耳○大唐制如開元禮

大功小功末冠議

周

晉

周制大功之末可以冠子嫁子父小功之末可以冠子嫁子可以娶婦已雖小功既卒哭可以冠可以娶妻下殤之小功則不可

此皆謂可以用吉禮之時父大功卒哭而可冠子已大功卒哭而可以冠

矣

○晉傳純難曰按雜記本文己在小功則得冠在大功不得冠也鄭氏云己大功卒哭以冠與本文不同何邪又要記不見己冠不知己冠當在何條賀循答曰禮云大功小功之末可以冠娶道父為子嫌但施於子不施於己故下言己雖小功著己與子亦同也俱同則大功之末己可以冠以理推之正自應爾非為與本文不同要記不見己冠直是文句脫耳高崧問范汪曰按小功之末可以冠子己雖小功卒哭可以冠而鄭孫二家

注並云已大功卒哭可以冠求之於禮無可冠之文范  
汪答曰大功之末可以冠于此於子已為無服又云父  
小功可以冠子疑與上章俱有末語特於下言已雖小  
功卒哭可以冠是為小功卒哭皆得行冠娶之事也大  
夫三月而葬葬而後虞虞而後卒哭是為父雖小功子  
服盡也大功許冠婚則小功便無所不可也高崧重問  
范汪曰下殤小功則不可而云小功之末可以冠婚何  
范汪重答曰下殤小功此是周服之下殤不可以服輕



而恩疎也或曰因喪而冠亦禮之明文何以復於大功  
小功喪中每言冠乎答曰在喪冠而已不行冠禮也於  
大功小功之末故可行冠禮因喪而冠與備行冠禮殊  
也或問者曰禮大功之末可以冠子嫁子小功之末可  
以冠子嫁子可以娶婦已雖小功既卒哭可以娶妻按  
經大功之末雖云可以冠子嫁子不言已可以冠而鄭  
氏注云已大功卒哭而可以冠未解經又云大功之末  
而注云卒哭不知此言未便是卒哭為非卒哭邪答曰

記云大功之末可以冠子嫁子而注又云己大功卒哭而可以冠小功卒哭而可以冠娶妻者冠而後娶今既云冠嫁其子則於文不得復自著己冠故注家合而明之以小功得娶妻則大功亦可以得冠冠輕婚重故大功之末得自冠小功之末得自娶以記文不備故注兼明之注之有此比禮三月既葬卒哭於小功則餘有二月是末也於大功則正三分之一便謂之末意常以疑之然鄭氏注喪服經云葬喪之大事既畢故謂之末邪

重問曰省及申釋注意甚為允也然僕猶有所未了禮  
小功卒哭可以娶者婚禮娶婦之家三日不舉樂明婚  
雖屬吉而有嗣親之感小功餘喪不重祖考之思故可  
以娶也大功可冠猶有疑焉夫吉禮將事必先筮賓然  
後成禮大功之末可以冠嫁其子者以已大功之末於  
子則小功服已過半情降既殊日算浸遠故子可以行  
吉事至於已身親有功布重制月數尚近而便釋親重  
之服行輕吉之禮於此稱情無乃薄耶且非禮正文出

自注義耳若有廣比想能明例以告之答曰齊縗之喪則冠婚皆廢大功則廢婚而行冠冠吉輕而婚吉重故也冠吉輕故行之於大功之末婚吉重故行之於小功之末但以大功末云可以冠子而自著己冠之文不便賢者以三隅反之推小功得自娶則大功得自冠以身有功服月數尚近釋親重之服行輕吉之事今正以小功大功之末俱得行吉禮故施輕吉於重末行重吉於輕餘重服不可以行重吉故許其輕者輕服可以通重

吉故因得行之若大功之冠則行吉冠之禮而反喪服  
若服在齊縗不得行吉則因喪而冠以冠禮貴及不可  
踰時而齊縗之服崇重則大功之末差輕則行以吉  
重則因以凶也

女笄

周

周制女子許嫁笄而醴之稱字

許嫁已受納徵禮也笄女禮猶男冠也使主婦

女賓執其禮

祖廟未毀教於公宮三月祖廟已毀則教於宗

室

祖廟女高祖為君者之廟以有總麻之親就尊者之宮教之也教以婦德婦容婦功婦言宗室大宗子之

家

公羊傳婦人許嫁笄而字之死則以成人之喪埋之

謂不為殤也魯僖公九年伯姬卒是

雜記女雖未許嫁年二十而笄禮之

婦人執其禮

雖未許嫁年二十亦為成人矣禮之酌以成人言婦人執其禮明非許嫁之笄賈公

彥云許嫁笄當使主婦對女賓執其禮其儀如男子也又許嫁者用醴禮之不許嫁當用酒醴之敬其早得禮

燕則鬢首

既笄之後去之也猶若女有鬢紒也鬢音巨員切鬢丁果反

通典卷五十六

欽定四庫全書

通典卷五十七

唐 京兆杜佑君卿纂

禮十七 嘉二

君臣冠冕巾幘等制度

上古衣毛冒皮後代聖人見鳥獸冠角乃作冠纓黃帝

造冕旒始用布帛

冕者冠之有旒

唐虞以上冠布無綏

綏綏飾

夏

后以牟追

音丁

以收

所以收斂髮

殷制章甫或以哱

章明也言以表

明丈夫甫或為父呼覆也自覆飾呼音況甫反

形制並無文至周六冕章數始

備故孔子曰服周之冕言中禮也洎乎幽厲衰微秦焚六籍圖寫紛雜記注混淆今徵其實錄掇拾沿革為冠冕篇云

冕

大裘冕

衮冕

鷩冕

毳冕

絺冕

玄冕

通天平冕

平天冕

蒼冕

青冕

赤冕

黃冕

素冕

黑冕

象冕

山冕

火冕

藻冕

方冕

祀冕

○有熊氏

周

秦

後漢

魏

晉

東晉

宋

齊

陳

北齊

後周

隋

大唐

黃帝作冕垂旒目不邪視也充纊耳不聽讒言也

事見世本



○周制弁師掌王之五冕皆玄冕朱裏纁紐冕服有六言五者

大裘之冕蓋無旒不聯數也纁冕之覆在上是以名焉紐小鼻在武上弁所貫五采纁十有二

就皆五采玉十有二玉笄朱紘纁雜文之名合五色絲為繩垂之纁前後各十

二所謂遠紘也就成也繩之每匝貫五采玉十二旒旒則十二玉每就間一寸朱紘以朱組為紘紘一條繩屬

兩端於武此謂衮衣之冕十二旒則用玉二百八十八

鷩冕纁九旒用玉二百一十六毳冕七旒用玉一百六

十八絺冕五旒用玉一百二十玄冕三旒用玉七十二諸侯及孤卿大夫之冕各

以其等為之各以其等者纁玉如其命數冕則侯伯纁七就用玉九十八子男纁五就用玉五十

纁玉皆三采孤纁四就用玉三十二三命之卿纁三就用玉十八再命之大夫纁再就玉八纁玉皆朱綠禁令

不得相  
借踰

○秦滅禮學郊社服用皆以衿玄以從冕旒前

後遽紼

蔡邕獨斷云衿紺繒也班固東都賦注云衿卑也衿音鈞

○後漢光武踐祚

祀天地明堂皆冠旒冕孝明帝永平初詔有司採周官

禮記尚書皋陶篇夏侯氏說冕皆廣七寸長尺二寸前

圓後方朱綠裏玄上前垂四寸後垂三寸繫白玉珠為

十二旒

蔡邕獨斷云九旒也

以其綬采色為組纓

禮記曰玄冠朱組纓天子之冠

也其旒珠  
用真白玉

三公諸侯七旒青玉珠卿大夫五旒黑玉珠

皆有前無後各以其色綬為組纓旁垂黻纁助天子郊

天地祀明堂則冠之。○魏因漢故事明帝好婦人之飾  
寃旒改用珊瑚珠晉因之。○東晉元帝初過江帝服多  
闕而寃飾以翡翠珊瑚珠侍中顧和奏舊禮寃旒用白  
玉珠今美石難得不能備可用白玉旒珠從之後帝郊  
祀天地明堂宗廟元會臨軒改服黑介幘通天平寃阜  
表朱綠裏廣七寸長一尺二寸加於通天冠上前圓後  
方垂白玉珠十二旒以朱組為纓無綏王公卿助祭郊  
廟冠平寃王公八旒卿七旒組為纓色如綏也。○宋因

之更名曰平天冠天子郊祀及宗廟服之王公並用舊法○齊因之梁因之其制前垂四寸後垂三寸旒長齊肩以組為纓色如其綬旁垂黹纁充耳珠以玉瑱乘輿郊祀天地明堂享宗廟元會臨軒則服之五等諸侯助祭平冕九旒青玉為珠有前無後各以其綬色為組纓旁垂黹纁○陳因之以為冕旒皇太子朝冠遠遊冠侍祭則平冕九旒五等諸侯助祭郊廟皆平冕九旒青玉為珠有前無後各以其綬色為組纓旁垂黹纁○北齊

採陳之制旒玉用五采以組為纓色如其綬其四時郊  
祀封禪大事皆服袞冕皇太子平冕黑介幘白珠九旒  
飾以三采玉以組為纓色如其綬未加元服則空頂黑  
介幘雙童髻雙玉導○後周設司服之官掌皇帝十二  
冕祀昊天則蒼冕五帝各隨方色朝日用青冕夕月用  
素冕地祇用黃冕神州社稷用玄冕享先皇加元服等  
象冕享先聖食三老耕籍等以袞冕視朔大射等以山  
冕視朝臨法門適宴等以鷩冕皆十二旒

韋弁皮弁  
見在下文諸

公之冕九方衮山驚火毳等六皆九旒韋弁皮弁玄冠  
三合上為九諸侯八無衮冕諸伯七又無山冕諸子六  
又無驚冕諸男五又無火冕冕五旒三公之冕九祀火  
毳藻繡爵弁等冕六韋弁皮弁玄冠合上九三孤自祀  
冕而下八無火冕公卿七又無毳冕上大夫六又無藻  
冕中大夫五又無皮弁下大夫四又無爵弁士服三祀  
弁爵弁玄冕庶士玄冠而已其弔服諸侯當事則弁經  
不則皮弁以下亦如之。○隋採北齊之法衮冕垂白珠

十二旒組為纓色如其綬黹纁充耳玉筭太子庶子裴

正奏色並用玄

旒齊於膊纁齊於耳

唯應著幘者任依漢晉法皇

太子袞冕垂白珠九旒青纁充耳犀筭國公冕青珠九

旒初受冊命執贄入朝祭祀親迎三公助祭並服之侯

伯則驚冕子男則毳冕五品以上繡冕九品以上爵弁

○大唐依周禮制天子之六冕有大裘冕袞冕鷩冕毳

冕繡冕玄冕大裘冕無旒廣八寸長一尺六寸

玄表纁裏以下

廣狹准此

金飾玉簪導

釋名云簪建也所以建冠於後也亦謂之筭所以拘冠使不墜也導以櫟

簪使入巾  
情之中

以組為纓色如其綬祀天神地祇服之袞冕

加金飾

垂白珠十有二旒以組為纓色如其綬黻纁充耳

玉簪導諸祭祀及踐祚享廟遣將征還飲至加元服元

日受朝等服之鷩冕有事遠主服之

按周禮遠  
主謂先公

毳冕祭

海嶽服之繡冕祭社稷帝社服之玄冕蜡百神朝日夕

月服之自袞冕以下旒數並依周禮皇太子袞冕白珠

九旒諸臣袞冕青珠九旒青纁充耳簪導鷩冕七旒第

二品服之毳冕五旒第三品服之繡冕四旒第四品服



之玄冕三旒第五品服之龍朔二年九月司禮少常伯  
孫茂道奏稱准令諸臣九章服君臣服冕章數雖殊飾  
龍名袞尊卑相亂今請諸臣九章衣以雲及鱗代龍昇  
山為上仍改冕名當時紛議不定至儀鳳二年十一月  
太常博士蘓知機上言曰前龍朔中孫茂道奏請諸臣  
九章服當時竟未施行今請制大明冕十二章乘輿服  
之加日月星辰龍虎山火鱗鳳元龜雲水等象驚冕八  
章三公服之毳冕六章三品服之繡冕四章五品服之

詔下有司詳議崇文館學士楊炯奏曰謹按虞書予欲  
觀古人之象日月星辰山龍華蟲作繪宗彛藻火粉米  
黼黻絺繡由此言之則其所從來尚矣逮及有周乃以  
日月星辰為旌旗之飾又登龍於山登火於宗彛於是  
制袞冕以祀先王也九章者法陽數也以龍為首章袞  
者卷也龍德神異應變潛見表聖王深沈遠智卷舒神  
化也又制鷩冕以祭先公也鷩者雉也有耿介之志表  
公有賢才能守耿介之節也夫以周公之多才也故化

定制禮功成作樂夫以孔宣之將聖也故行夏之時服  
周之冕先王以法服乃此之自出也天下之能事於是  
乎畢矣今蘇知機請制大明冕十二章乘輿服之者謹  
按日月星辰已施於旌旗矣龍虎火者又不踰於古矣  
而云麟鳳有四靈之名元龜有負圖之應雲有紀官之  
號水有盛德之祥此蓋別表休徵終是無餘比象然則  
皇王受命天地興符仰觀則璧合珠連俯察則銀黃玉  
紫此固不可畢陳於法服也若夫禮唯後俗則命為制

令為詔乃秦皇之故事猶可以適於今矣若夫義取隨時則出稱警入稱蹕乃漢國之舊儀猶可以行於代矣亦何取於變周公之軌物改尼父之法度者哉由是竟寢知機所請

緇布冠

進賢冠○周  
陳北齊

後漢

晉

宋

齊

梁

周制士冠禮云緇布冠

項項青組纓屬於項緇布冠無  
笄者著項圍髮際結項中隅為

四綴以固冠項中有緇亦由固項為之以為始冠之冠  
耳今未冠笄者著卷幘項象之所生也

冠而弊之可也

初加緇布冠再加皮弁次  
加爵弁加皮弁後而棄之

○後漢改之

制進賢冠為儒者之服前高七寸後高三寸長八寸公

侯三梁中二千石以下至博士兩梁

蔡邕獨斷云千石以下一梁

小

吏私學子皆一梁○晉因之天子元服始加則冠五梁

進賢冠三公及封郡公縣侯鄉亭侯則三梁卿大夫下

至千石則兩梁中書門下至門郎小吏並一梁○宋因

之為儒冠○齊因之為開國公侯下至小吏之服其以

梁數為降殺則依晉制○梁因之以為乘輿宴會之服

則五梁進賢冠○陳因之為文散內外百官所服以梁

數為高卑天子所服則五梁。北齊進賢五梁冠不通於下。隋因陳制内外文官通服之降殺一如舊法。大唐因之若親王則加金附蟬為飾復依古制緇布冠為始冠之冠進賢緇布二制存焉。

牟追冠

章甫冠

委貌冠

夏

殷

周

漢

夏后氏牟追冠長七寸高四寸廣五寸後廣二寸制如覆杯前高廣後卑銳。殷因之制章甫冠高四寸半後廣四寸前櫛首。周因之制委貌司服云凡甸冠弁服

甸田獵也  
冠弁委貌

○漢制委貌以皐繒為之形如委穀之貌上

小下大長七寸高四寸前高廣後卑銳無筭有纓行大

射禮於辟雍諸公卿大夫行禮者冠之○宋依漢制

通天冠

秦漢晉  
隋大唐

宋

齊

梁

陳

北齊

秦制通天冠其狀遺失○漢因秦名制高九寸正豎頂

少邪却乃直下為鐵卷梁前有山展筩為述筩駁犀簪

導乘輿所常服○晉依漢制前加金博山述乘輿常服

述即鷗也鷗知天雨  
故冠像焉前有展筩

○宋因之又加黑介幘

舊有冠無  
幘幘冠理

展前代古圖畫三皇五  
帝或有服通天冠深誤矣

○齊因之東昏侯改用玉簪

導。梁因之復加冕於其上為平天冕

此復依晉冕法

○陳因

之。北齊依之乘輿釋奠所服。隋因之加金博山附  
蟬十二首施珠翠黑介幘玉簪導。朔日元會各朝會諸  
祭還則服之。○大唐因之其纓改以翠綏

長冠

劉氏冠

齊冠。○漢

晉

梁

漢高帝採楚制長冠形如板以竹為裏亦名齋冠後以  
竹皮為之高七寸廣三寸以高帝所制曰劉氏冠故為



享廟之服敬之至也

鄙人或謂之鵠尾冠

○晉依之去竹用漆纒

救日蝕諸祀則冠之○梁天監中祠部郎中沈宏議竹葉冠是漢祖微時所服不可為祭服宜改用爵弁司馬袞云若必遵三王則所廢非一武帝竟不改矣

遠遊冠

具服遠遊冠

公服遠遊冠○秦

漢

秦採楚制楚莊王通梁組纓似通天冠而無山述有展

筓橫之於前○漢因之天子五梁太子三梁諸侯王通

服之○晉皇太子及王者後常冠焉以翠羽為綏綴以

白珠帝之兄弟之子封郡王者通服之則青絲為綏○  
梁為皇太子朝服加金博山翠綏○陳因之其藻飾服  
用依晉故事也○北齊依之制五梁冠乘輿所服不通  
於下○隋依之制三梁加金附蟬九首施珠翠黑介幘  
翠綏犀簪導皇太子元朔入廟釋奠則服之○大唐因  
之其制具開元禮序例

高山冠

側注冠○秦梁陳隋

漢大

唐魏

晉

宋

齊

秦滅齊獲其君冠而制之形如通天冠頂不邪却直豎

鐵為卷梁高九寸無山展筭一名側注冠

其體側立而曲注因名之

以賜近臣中外謁者僕射行人使者等所服○漢舊儀

云乘輿冠高山冠飛月之纓

一云飛翮之纓

丹紃裏

按此高山冠以通天

子之服

○魏明帝因改之卑下於通天遠遊除去卷筭加

介幘幘上加物以象山行人使者服之○晉宋齊梁陳

歷代因之○隋依魏制參用之形如進賢冠加三峯謁

者大夫以下服之梁數依其品降殺○大唐因之內侍

省內謁者監及親王司閣等服之

法冠

獬豸冠

柱後惠文冠

秦

漢

晉

宋

齊梁陳隋大唐

秦滅楚獲其君冠賜御史以纁為展筭鐵為柱卷

取其不曲

撓也一名柱後惠文冠

執法者服之或謂之獬豸冠

獬豸神羊一角能別曲直

楚王獲之以為冠

○漢晉至陳歷代相因襲不易○隋開皇中

於進賢冠上加二真珠為獬豸角形大業中改制一角

或云獬豸神獸蓋一角今二角者非也

執法者服之○大唐法冠一名獬

豸冠一角為獬豸之形御史臺監察以上服之

建華冠

鵠冠

○漢

晉

陳

漢制以鐵為柱卷貫大銅珠九枚形似縷鹿

薛綜曰下輪大上輪

也小

記曰知天者冠述知地者履約左氏傳曰鄭子臧好

聚鵠冠建華是也天地五郊明堂舞樂人服之○晉及

陳代相因不易餘並無聞

趙惠文冠

武冠

龍冠

武弁

大冠

鵠冠

○秦

漢

紫冠

宋

齊

梁

陳

北齊

隋

大

唐

秦滅趙以其君冠賜近臣

胡廣曰趙武靈王效胡服以金璫飾首前挿貂尾為貴職

或以北土多寒胡人以貂皮溫額後代效之亦曰惠文惠者蛇也其冠文細如蟬翼故名惠文或曰齊人見千

歲涸澤神名之曰慶忌冠大冠乘小車好疾馳因象其冠

○漢因之曰武弁一名大

冠諸武官冠之侍中常侍加黃金璫附蟬為文貂尾為

飾侍中挿左貂常侍挿右貂用赤黑色

王莽用黃金各隨服色所尚後

漢應劭漢官儀曰金取堅剛百鍊不耗蟬取高居飲潔貂內勁悍而外溫潤

又名鵷鷖冠

倉頡

解詁曰鵷鷖即鵷翟山雞之屬尾彩鮮明是將飾冠以代貂

幸臣閼孺為侍中皆服

大冠天子元服亦為先加又雙鵷尾豎左右名鵷冠

鵷

鳥之暴疏者也每所搜撮應爪摧碎天子武騎故冠之徐廣曰鵷似黑野雞出上黨

○晉依之名

繁冠一名建冠一名籠冠即惠文冠也○宋因之不易

○齊因之侍臣加貂蟬餘軍校武職黃門散騎等皆冠之唯武騎武賁挿鷩尾於武冠上○梁因制遠遊平上幘武冠○陳因之不易後為鷩冠武者所服○北齊依之曰武弁季秋講武出征告廟則服之○隋依名武弁武職及侍臣通服之侍臣加金璫附蟬以貂為飾侍左者左耳侍右者右耳天子則金博山三公以上玉枝四品以上金枝文官七品以上眊白筆八品以上及武官皆不眊筆○大唐因之乘輿加金附蟬平巾幘侍中中

書令則加貂蟬侍左右珥諸武官府衛領軍九品以上等亦准此

方山冠

漢

晉

漢制似進賢以五采縠為之祠宗廟八佾四時五行樂人服之冠衣各如其方之色而舞焉。○晉因之

巧士冠

漢

晉

漢制高七寸前後相通直豎似高山冠不常服唯郊天黃門從官者四人冠之在鹵簿中次乘輿車前以備官



者四星云。○晉因之自後無聞。

却非冠

漢

梁

隋

大唐

漢制似長冠皆縮垂五寸有纓綏宮門吏僕射等冠之。  
○梁北郊圖執事者縮纓綏。○隋依之門者禁防伺非服也。○大唐因之亭長門僕服之。

樊噲冠

漢

晉

宋

齊

陳

漢將樊噲造次所冠以入項羽軍其制似平冕廣九寸  
前後出各四寸司馬殿門衛士服之。

或曰樊噲常持鐵楯聞項羽有意殺

漢王噲即裂裳以裹盾冠之  
入軍門立漢王傍視項羽

○晉宋齊陳不易其制餘

並無聞

術士冠

漢

晉

漢制前圓差池四重趙武靈王好服之今不以施用或  
曰楚莊王解冠是也○晉因之宋以後無聞

却敵冠

晉

陳

晉制之前高四寸通長四寸後高三寸似進賢冠凡當  
殿門衛士服之○陳依之餘並廢

進德冠

大唐

大唐制九琪加金飾皇太子侍從皇帝祭祀及謁見加元服納妃則服之

翼善冠

大唐

大唐貞觀中制月一日十五日視朝常服之又與平巾

幘通用

太宗初服翼善冠賜貴臣進德冠因謂侍臣曰幘頭起於周武帝蓋取便於軍容耳今四海無

虞此冠頗採古法魚類幘頭乃宜常服開元十七年廢不行用乾元元年十月知司天臺韓穎奏五官正奉勅創置其官職配五方上稽五緯臣請冠上加一星珠衣從本方正色每至正冬朔望朝會及諸大禮即服以朝

見仍望永為恒  
式奉勅旨宜依

皇

漢收

晉

隋

大  
唐

爵弁

廣冕○虞

夏

殷

周

有虞氏皇而祭其制無文蓋爵弁之類○夏后氏因之

曰收

收之言所以收斂髮

純黑前小後大○殷因之曰哂

於懽懽

覆也所以自飾覆

黑而微白前大後小○周因制爵弁

爵弁冕之次

赤而微黑如爵頭然前小後大三代以來皆廣八寸長尺二寸如冕無旒皆三十升布為之士冠禮三加成人服之○漢依周制或云中古以下其制用絲祠天地五

郊明堂雲翹樂舞人服之。○晉依漢制更名廣寬有收持筭服用如舊。○隋依以角為簪道士助君祭服之。○大唐因之以紬代布用玄纓簪導九品以上冠親迎助祭家私祭祀服之。

皮弁

周

晉

後周

隋

大唐

周禮弁師云王之皮弁會五采玉璆象邸玉笄

會縫中也璆結

也皮弁之縫中每貫結五采玉十二以

為飾謂之璆邸下抵也以象骨為之司服云視朝即

皮弁服士冠禮曰三王共皮弁

按皮弁韋皮侯伯璆飾七玉子男璆飾五玉三

采狐璆飾四三命之卿璆飾三再命之大夫  
璆飾二玉二采皮弁以鹿皮為之璆音具  
○晉依舊

制以鹿淺毛黃白色者為之其服用等級並准周官○  
後周田獵則服之以鹿子皮為之○隋因之大業中所  
造通用烏漆紗前後二傍如蓮葉四間空處又安拳花  
頂上當縫安金梁梁上加璆天子十二珠為之皇太子  
及一品九璆二品八璆下六品各殺其一璆以玉為之  
皆犀簪道六品以下無璆皆象簪導唯天子用含稜後  
制鹿皮者以賜近臣○大唐因之以鹿皮為之玉簪導

十二璫朔日受朝則服之

韋弁

周

晉

宋

後周

周官司服云凡兵事韋弁服

以韋為弁齊人名舊為絳韋以染韋為絳色曰絳

韋

○晉以韋為之頂上小尖○宋因之或為車駕親戎

中外戒嚴之服○後周巡兵即戎則服之自此以來無

復其制

幘

童子幘

空頂幘

紉幘

納言幘

赤幘

細幘

漢

素幘

黑幘

紺幘

綠幘

青幘

○秦

漢

隋

大

唐

古者有冠無幘其戴也加首有頰所以安物故詩曰有

頰者弁此之謂也

幘者蹟也  
頭首嚴蹟

○秦雄諸侯乃加其武將

首為絳帟以表貴賤其後稍稍作顏題

帟音盲  
百切

○漢因

續其顏却縠之施巾連題却覆之至孝文乃高其顏題

續之為耳崇其中為屋上下羣臣貴賤皆服之文者長

耳武者短耳稱其冠也尚書幘收三寸名曰納言示以

忠正明近職也迎氣五郊各如其色從章服也武吏常

赤幘成其威也未冠童子幘無屋者示未成人也未入



學小童幘勾卷屋者示尚幼小未遠冒也喪幘却擦反

本禮也

蔡邕獨斷曰幘古者之卑賤執事不冠者所服也漢元帝額有壯髮不欲使人見始用幘服之

羣臣皆隨焉然尚無巾王莽頂禿幘上施屋壯髮謂當額前侵下而生今俗呼為主頭者是制紺幘

以齋青幘以耕紺幘以獵綠幘漢董偃召見服之○晉

因之○東晉哀帝從博士曹弘等議立秋御讀月令改

用素幘○宋因之以黑幘騎吏鼓吹武官服之其救日

蝕文武官皆免冠著赤幘○齊因之以黑幘拜陵所服

○梁因之以黑介幘為朝服元正朝賀畢還宮更出所

服未加元服則空頂幘。○陳因之諸軍司馬服平巾幘。  
長吏介幘御節郎黃鉞郎朝服赤介幘簪筆。○隋依之。  
天子畋獵御戎文官出遊武官一品以下并流外吏等  
上下通服黑介幘平巾黑幘。又制綠幘庖人服之。其平  
巾黑幘之制玉枝金花飾犀簪導紫羅褶其御五輅人  
逐其車色。○大唐因制乘輿空頂黑介幘雙玉導加寶  
飾祭還及冬至朔日受朝會臨軒拜王公則服之。黑介  
幘拜陵則服之。平巾幘。  
金寶飾導簪冠支皆以玉乘馬則

服之皇太子平巾幘乘馬則服之空頂介幘雙玉導加  
寶飾謁廟還宮元日冬至朔日入廟釋奠則服之冠幘  
五品以上陪祭服之

幅

白幅  
大唐

烏紗幅○魏

晉

宋

梁

陳

隋

魏武以天下凶荒資財乏匱擬古皮弁裁縑帛以為幅  
苦洽切合乎簡易隨時之義以色別其貴賤本施軍飾非

為國容

或云本未有岐荀文若巾之行觸樹枝成岐  
因之為善遂不改因通以慶弔幅與恰同

○

晉因之咸和中制聽尚書八座丞郎門下三侍官乘車

白幘。○齊依以素為之。舉哀臨喪服之。○梁因之以代古疑縗為弔服。羣臣舉哀臨喪則服之。○陳因之而初婚冠送餞以服之。○隋依梁不易。○大唐因之。

帽

皮帽

白帽

翠帽

黑帽

高屋白紗帽

高頂帽

岑帽

突騎帽

○周

魏

晉

宋

齊

梁

陳

後魏

隋

大唐

上古穴居野處衣毛帽。皮以此而言不施衣冠明矣。

元中

記云旬始作帽

○周成王問周公曰：舜之冠何如？曰：古之人

上有帽而勾領。

或云帽名猶冠也。義取於加覆其首。本纁也。古者冠下有纁以緇為之後世施

憤於冠因裁纁為帽自非輿宴  
居下至庶人無爵者皆得服之  
○魏管寧在家嘗著皂

帽

吳書云陸遜破曹休於石亭還當及西陵朝臣燕  
賜終日上脫翠帽以賜遜時同羣臣朝謁而服之

○

晉因之○宋制黑帽綴紫標標以繒為之長四寸廣一  
寸後制高屋白紗帽○齊因之○梁因之頗同至於高  
下翅之卷小異耳皆以白紗為之○陳因之天子及士  
人通冠之白紗者名高頂帽皇太子在宮則烏紗在永  
福省則白紗又有繒皐雜紗為之高屋下裙蓋無定准  
又制岑帽靴角五音師長服之○後魏咸著突騎帽如

今胡帽垂裙覆帶蓋素髮之遺象也又文帝項上瘤疾不欲人見每常著烏時為雅服小朝公宴咸許戴之○隋文帝開皇初嘗著烏紗帽自朝貴已下至於冗吏通著入朝後復制白紗高屋帽接賓客則服之大業年令五品以上通服朱紫是以烏紗帽漸廢貴賤通服折上巾按後漢郭林宗行遇雨露巾角折後周武帝建德中因制折上巾○大唐因之制白紗帽又制烏紗帽視朝聽訟宴見賓客則服之

葛巾

角巾○東晉

齊

陳

北齊

東晉制以葛為之形如恰而橫著之尊卑共服太元中

國子生見祭酒博士冠角巾○齊依之

其角巾宋不存至齊立學王儉

議更存焉

○陳依之○北齊依之自後無聞

幅巾

纁巾

黃巾○後漢

後周

大唐

後漢末王公名士以幅巾為雅是以袁紹崔豹之徒雖為將帥皆著纁巾時有妖賊以黃為巾時謂之黃巾賊

按巾六國時趙魏之間通謂之承露表紹戰敗幅巾渡河按此則庶人及軍旅皆服之用全幅帛而向後幞髮謂之頭巾俗人謂之幞頭後周武帝因裁幅巾為四脚○大唐因之

巾子

大唐

大唐武德初始用之初尚平頭小樣者天授二年武太后內宴賜羣臣高頭巾子呼為武家諸王樣景龍四年三月中宗內宴賜宰臣已下內樣巾子

其樣高而跽皇帝在藩時所服

人號為英王路樣

通典卷五十七



欽定四庫全書卷

通典卷五十八

唐 京兆杜佑君卿纂

禮十八 嘉三

天子納妃后 冊后附○遂皇 伏犧 五帝 夏  
殷 周 漢 後漢 魏 晉

東晉 北齊 大唐

遂皇始有夫婦之道 人皇氏 ○伏犧氏制嫁娶以儷皮為

禮 ○五帝馭時娶妻必告父母 ○夏親迎於庭 ○殷於

堂○周制限男女之歲定婚姻之時

媒氏云令男三十而娶女二十而嫁

婚姻之時即仲春之月

親迎於戶

何休曰後代漸文而迎於戶示其親

六禮之儀始

備

一曰納采用鴈謂始語言采擇可不二曰問名用鴈謂問女名日將卜之也三曰納吉用鴈謂卜得吉往

告之也四曰納徵用束帛徵成也謂婚姻禮成也五曰請期用鴈娶婦日也六曰親迎用鴈

天子聘

女納徵加穀珪

鄭玄云納徵加於束帛賈公彥曰士以上皆用玄纁束帛天子加以穀珪也

靈王求婚於齊遣使稱制拜后

靈王求婚於齊大夫晏桓子對曰夫婦所生若

而人姑姊妹則稱先守某公之遺女若而人則天子之命自得下達臣下之答徑自上通故遣使稱制拜后

魯桓公八年祭公來遂逆王后于紀

祭公諸侯為天子三公者也王

使魯主婚故祭公來受命而迎女天子無外故稱王后  
矣春秋左氏說王者至尊無敵無親迎之禮諸侯禮合  
親迎有故則使上卿迎之也祭公逆之王后未至京師  
稱后知天子不行而禮成也公子翬如齊逆女春秋不  
譏知諸侯有  
故得使卿逆

○說曰記婚義云婚禮者將合二姓之好

上以事宗廟下以繼後世也故君子重之共牢而食合  
卺而醕所以合體同尊卑而親之成男女之別立夫婦  
之義而後父子親君臣正故曰婚禮者禮之本也公羊  
說天子至庶人皆親迎左氏說王者至尊無敵體之義  
不親迎鄭玄駁之曰文王親迎於渭則天子親迎也天

子雖尊其於后夫婦也夫婦無判禮同一體所謂無敵  
豈施於此哉禮記哀公問曰寃而親迎不已重乎孔子  
對曰合二姓之好以繼先聖之後以為天地宗廟社稷  
之主君何謂已重焉此言繼先聖之後為天地之主非  
天子則誰乎是鄭以天子當親迎也杜元凱以為天子  
不親迎按春秋祭公逆王后於紀傳曰禮也劉夏逆王  
后譏卿不行皆不譏王不親行明是天子不當親迎也  
丈王之迎太姒身為公子迎在殷代未可據此以為天

子之禮孔子之對哀公自論魯國之法魯以周公之後得郊祀上帝故以先聖天地為言非說天子之禮○漢惠帝納后納采鴈璧乘馬束帛聘黃金二萬斤馬十二疋

呂氏為惠帝娶魯元公主女故特優其禮

平帝立王莽納女為后以固權

遣宗正劉宏尚書令平晏納采太師孔光大司徒馬宮等四十九人賜皮弁素積

皮弁鹿皮為冠也素積以十五升布為衣積素以為裳

以禮雜卜筮太牢告宗廟封后父百里尊而不臣有司奏故事聘皇后黃金二萬斤為錢一萬萬莽深辭讓受

四千萬而以其三千三百萬予十一媵家有詔復益二千三百萬合為三千萬莽復以其千萬分予九族貧者遣甄豐奉璽綬拜帝母衛姬為中山孝王后四年春遣大司徒宮等奉乘輿法駕迎皇后於安漢公第授皇后

璽綬

顏師古曰綬所以繫璽

登車稱警蹕使時

取日時之便

上臨延壽

門入未央宮前殿羣臣就位行禮大赦天下益封安漢公地滿百里賜迎皇后及行禮者三公以下宰執皆增秩賜金帛各有差皇后立三月以禮見高廟尊父號曰

宰衡位在諸侯王上

王莽篡立後聞劉伯升及聖公立為帝莽恐欲外示安靜所徵天下

淑女杜陵氏女為皇后聘黃金二萬斤車馬奴婢雜帛珍寶以鉅萬計莽親迎於殿前兩階間成同牢禮於西

堂備其嬪御其夫人三視公嬪人九視卿美人二十七視大夫御人八十一視元士凡百二十人皆佩印綬執

弓韜月令仲春后親祠高禘乃帥嬪御禮天子所御帶以弓韜授以弓矢於高禘之前求男子之祥莽故祈之

衣韜弓 ○後漢桓帝立明年有司奏太后曰春秋迎皇后

於紀在塗則稱后今大將軍冀女弟應紹聖善結婚之

際有命既集

桓帝為蠡吾侯梁太后徵欲與后為婚未及嘉禮會質帝崩后即順烈皇后女弟

宜備禮進徵幣請下三公太常按禮儀奏可於是悉依

孝惠皇帝納后故事聘黃金二萬斤納采鴈璧乘馬束

帛一如舊典

周禮王者以穀珪此云璧形制雖異與玉同以乘馬四疋也雜記曰幣一束五兩兩

五尋然則每端二丈

靈帝冊宋貴人為皇后天子御章德殿軒百

官陪位太尉襲使持節奉璽綬皇后北面帝南面太尉

立階下東向宗正大長秋西向宗正讀冊

文曰維建寧四年七月乙

未制詔皇后之尊與帝齊體供奉天地祇承宗廟毋臨天下故有莘與股姜任母周二代之崇蓋有內德長秋宮闕中宮曠位宗貴人秉叔媛之懿體河山之儀威容昭曜德冠後庭羣僚所咨僉曰宜哉卜之著龜卦得承乾有司奏議宜稱綬組以母兆人今使太尉襲使持節奉璽綬宗正祖為副立貴人為皇后皇后具往踐爾位敬



遵禮典肅慎中饋無替朕命永終天祿

冊文畢皇后拜稱臣妾畢住位太

尉授璽紱中常侍長秋太僕高卿侯覽長跪受璽紱奏於殿前女使授媼好長跪受以授昭儀受長跪以帶皇后皇后伏起拜稱臣妾畢黃門鼓吹三通鳴鼓畢羣臣以次出后即位大赦天下皇后秩比國王即位威儀赤

紱玉璽也

漢志乘輿黃赤綬四采黃赤纁紺純黃質長二丈九尺九寸太子太后與乘輿同

○

魏制天子冊后以皮馬庭實加穀珪齊王正始四年立后甄氏其儀不存○晉武帝咸寧三年臨軒遣太尉賈

充冊立皇后楊氏因大赦賜王公以下各有差百僚上

禮

納悼后

太康八年有司奏大婚納徵用玄纁束帛加穀

珪馬二駟羊鴈酒米如故

尚書朱整議按魏婚故事天子以皮馬為庭實加以穀

珪

○東晉成帝咸康二年帝臨軒遣使持節兼太保領

軍諸葛恢兼太尉護軍孔愉六禮備物拜皇后杜氏即

日入宮帝御太極殿羣臣畢賀

賀非禮也王者婚禮禮無其制春秋祭公逆王

后於紀穀梁左氏說與公羊又不同而況漢魏遺事闕畧者衆晉武惠納后江左又無儀注故成帝將納杜后

太常華恒始與博士叅定其儀據杜元凱左氏傳說主婚是供其婚禮之幣而已又周靈王求婚於齊先儒以

為正明詳錄為王者婚禮故成帝臨軒遣使稱制拜后然其儀注又不具存

康帝建元元年

納后褚氏而儀注陞者不設旄頭殿中御史奏今迎皇后依昔成恭皇后入宮御物而儀注至尊袞冕升殿旄頭不設昔迎恭皇后唯作青龍旂其餘皆即御物今臨軒遣使而五牛旂旄頭畢罕並出即用舊制今關詔曰今所以正法服升太極者以敬其始故備禮也今何關所重而撤法物邪又恭后神主入廟先帝詔后禮宜有降不宜建五牛旂既不說五旂則旄頭畢罕易具也又

詔舊制既難且於今而備法服儀飾麤舉兼副雜器停之穆帝永和十年臺符問六禮版文舊稱皇帝今太后臨朝當何稱博士曹耽云公羊傳婚禮不稱主人母命諸父為主

傳紀裂繻來迎女不稱使也無母辭窮乃命使者耳

太常王彪之云三

傳異義不可全據今皇后臨朝稱制文告所達國之大典皆仰稟成命非無外事也豈婚聘獨不通乎六禮版

文應稱皇太后詔

彪之又曰天子嫁女使同姓之國為主者以受體於皇極則有虧婚姻之

敵禮至於迎后之制必禮成而後入雖復戚屬之尊亦是臣妾也天王之后寧可先之蕃國然後入臨六宮乎是

以祭公來逆王后於紀  
使我為媒不云為主

符又問今后還政不復臨朝當

何稱彪之云當稱皇帝詔升平元年將納皇后何氏彪

之正禮

始更大引經傳及諸故事深非公羊婚禮不稱主人之義

曰王者之於四海

無不臣妾雖復父兄之親師友之賢皆純臣也夫崇三

綱之始定乾坤之儀安有天父之尊而稱臣下之命以

納伉儷安有臣下之卑而稱天父之名以行大禮遠尋

古禮於義不通按咸寧二年納悼皇后時弘訓太后臨

天下而無命戚屬之臣為武皇父兄主婚之文考咸寧

故事不稱父兄師友則咸康華恒所上合於舊也謂今

納后儀制一依咸寧故事從之華恒定六禮云宜依舊及大晉已行之制此恒

猶識前事故王彪之言從咸寧由此也唯以娶婦之家三日不舉樂而咸康羣臣賀為失禮故但依咸康上禮

羣臣不復賀也其告廟六禮版文等皆彪之所定博士荀納云凡六禮版長

尺二寸以應十二月博四寸以象四時厚八分以象八節皆真書后家答則以敝脚書之納采用鴈

一頭白羊一口酒十二斛米十二斛文曰皇帝咨前太尉叅軍都鄉侯何

渾元資始肇經人倫爰及夫婦以奉宗廟天地社稷謀於公卿咸以為宜率由舊典今使持節崇德衛尉領太

常彪之兼宗正散騎侍郎綜以禮納采后家答曰皇帝嘉命訪婚陋族備數采擇臣之先臣散騎侍郎準之遺

女未嫺教訓衣履若人欽承舊章肅奉典制前太尉  
參軍都鄉侯龔士臣何琦頓首稽首再拜承制詔 問

### 名用鴈羊如前

文曰皇帝曰咨前某官某侯何兩儀配  
合祿天統物正位乎內必俟令族重申

舊典今使使持節某官彪之某官綜以禮問名后家答  
皇帝嘉命使者彪之重宣中詔問臣名族女父母所生  
先臣故光祿大夫呼婁侯偵之遺玄孫先臣故蔡州刺  
史闕內侯憚之曾孫先臣故安豐太守闕內中侯友之  
孫先臣故散騎侍郎準之遺女外出自於先臣故尚書  
左丞孔曹之外曾孫先臣故侍中關內侯夷之外孫女  
年十七欽承舊章謹奉典制前某官某侯  
龔士臣何琦稽首頓首再拜欽承制詔 納吉用鴈羊

### 酒如前

文曰皇帝曰咨前某官某侯何人謀龜從僉曰  
貞吉敬順典禮今使使持節某官彪之某官綜

以禮納吉后家答皇帝嘉命使者彪之重宣中制大卜  
元吉臣陋族卑鄙憂懼不堪欽承舊章肅奉典制前某

官某侯冀土臣何琦稽首頓首再拜承制詔

納徵用白羊一口玄纁帛二疋

絳二疋絹二百疋獸皮二枚錢二百萬玉璧一枚酒十

二斛白米十二斛馬六匹

又曰皇帝曰咨某官某侯何族女有母儀之德窈窕之

姿如山如河宜奉宗廟永承天祚以玄纁皮馬羊錢璧以章典禮今使使持節兼司徒光祿勳闕內侯恪崇德衛尉領太常彪之以禮納徵后家答皇帝嘉命使者恪重宣中制降婚卑陋崇以上公寵以豐禮備物典冊欽

承舊章肅奉典制前某官某侯某云云再拜承制詔請期用鴈羊酒米如初

文曰皇帝

曰咨前某官某侯何謀於公卿大筮元龜罔有不臧率遵典禮今使使持節某官彪之某官綜以禮請期后家答皇帝嘉命使者彪之重宣中制吉日惟八月壬子可迎臣欽承舊章肅奉典制前某官某侯某再拜承制詔



迎用鴈羊酒米如初

丈曰皇帝曰咨前某官某侯何歲吉月令吉日惟未率禮以迎今遣

使持節兼太保侍中太宰武陵王暕迎后家答皇帝嘉命使者暕重宣中制令月吉辰備禮以迎上公宗卿兼至副介近臣百兩螭蟻之族猥承大禮憂懼戰悸欽承舊章肅奉典制前某官某侯糞土臣某謹因使者兼某

官某王暕上謹答

冊皇后文曰維升平元年八月皇帝使使持

節兼太保侍中太宰武陵王暕冊命故散騎侍郎女何氏為皇后咨爾易本乾坤詩首關雎王化之本實由內輔是故皇英嬪虞帝道以光任姒母周脗嗣克崇皇后其祇勗厥德以肅承宗廟虔恭中饋盡敬婦道帥導六

宮作範儀於四海皇天無親惟德是依可不慎歟○北齊皇帝納后之禮納采問名納徵訖告圓丘方澤及廟是日皇帝臨軒命太尉為使司徒副之持節詣后行宮東向奉璽綬以冊授中常侍皇后受冊於行殿使者與公卿以下皆拜有司備迎禮太尉太保受詔而行主人公服迎拜於門使者入升自賓階東面主人升自阼階西面禮物陳於庭設席於兩楹間童子以璽書版升主人升跪受送使者拜於大門外有司先於昭陽殿兩楹間

供帳為同牢之具皇后服大嚴繡衣帶綬珮加幬

幬音景

女長御引出升畫輪四望車女侍中負璽陪乘鹵簿如大駕皇帝服袞冕出升御座皇后入門大鹵簿位門外小鹵簿入到東上閣施步障降車席道以入昭陽殿前至席位姆去幬皇后先拜後起皇帝後拜先起升自西階詣同牢座與皇后俱坐各三飯訖又各醕二爵一盃奏禮畢后興南面立皇帝御太極殿王公以下拜表謝又明日奉栗棗脯脩見皇太后於昭陽殿擇日羣臣上

禮又擇日謁廟皇帝使太尉先以太牢告而後徧見羣廟。大唐皇帝納后卜日告天地臨軒命太尉為使宗正卿為副並如開元禮

天子冊妃嬪夫人

周

後漢

晉

周制天子后立六宮三夫人九嬪二十七世婦八十一

御女以聽天下之內治

天子六寢而六宮在後六宮在前所以承副施內外之政也三

夫人以下百二十人周制也三公以下百二十人似夏時也以治外而六宮內政取其相應焉又三小者為次妃帝堯因焉至舜不告娶不立正妃也但立三妃而已謂之三夫人離騷所歌三夫人舜妃也夏后氏增以三

三而九合十二人春秋說云天子娶十二即夏制也以虞夏及周等差之則殷人又增以三九二十七合三十九人周人上法帝嚳立正妃又三九二十七人為八十一人增之合百二十人其位后也夫人也嬪也世婦也御女也五者相參定尊卑也公羊云諸侯娶一國則二國往媵之以姪娣從公羊說曰天子諸侯娶三國凡九女法地有九州是以承天之施娶三國者廣異類也恐一國有血脉相似俱無子也姪娣媵者不相妬嫉也年雖幼待年於父母之國古者女嫁則姪娣從謂之媵

○後漢獻帝建安十八年曹

操進三女憲節華為夫人聘以束帛玄纁五萬疋小者

待年於國

留住於國待年長

二十年並拜貴人○晉武帝太始

十年將聘三夫人九嬪有司奏禮皇后聘以穀珪無妾

媵禮贄之制詔曰拜授可依魏氏故事於是臨軒使使持節兼太常拜三夫人兼御史中丞拜九嬪

皇太子納妃

皇子諸王附○漢齊北齊隋

晉東晉宋

漢制皇太子納妃奉常迎

時叔孫通定禮以天子無親迎之義皇太子以奉常迎也

○晉太康中有司奏太子婚納徵用玄纁束帛加璧羊

馬二駟○東晉太子婚納徵禮用玉璧一虎皮二

王彪之上

書曰或者獸取威猛有斑文彩玉象德而有溫潤珪璋亦玉之美者豹皮彩蔚以譬君子王肅納徵辭云玄纁束帛儼皮鴈羊前漢亦無用羊之禮鄭氏婚物贊曰羊者祥也婚之有羊自漢末始

○宋文帝元

嘉十五年四月皇太子納妃六禮丈與納后不異百官  
上禮其月壬戌於太極殿西堂叙宴二宮隊主副司徒  
侍郎以上諸二千石在都邑者並在會又詔令小會可

停伎樂

時有臨川  
曹太妃喪

明帝太始五年有司奏按晉江左以

來太子婚納徵禮合用璧一獸皮二未詳所准今法章  
徽儀方將大備宜憲範經籍今皇太子婚納徵禮合用  
璋豹皮及熊羆皮與不下禮官詳議依經史記更正若  
應用者為各用一為用兩博士裴昭明按周禮納徵玄

纁束帛儷皮

鄭玄曰束帛以致命兩皮庭實皮鹿皮

晉納妃以獸豹皮二

獸豹雖文禮所不用熊羆吉祥婚典不及珪璋美為用

各異今儲皇聘納宜准經誥兼太常丞孫詵議以為聘

幣之典損益惟我今儲后崇聘禮光訓遠皮玉之美宜

盡輝備儀禮稱束帛儷皮則珪璋數同璧熊羆文豹各

應用二博士虞龢

音和

議按儀禮直云玄纁束帛儷皮禮

記郊特牲云虎豹皮與玉璧非虛作也虎豹皮居然用

兩璋宜仍舊各一參議詵龢二議不異今加珪璋各一



豹熊羆皮各二繡議為允詔可○齊武帝永明年中以  
婚禮奢貴勅諸王納妃上御及六宮依禮上棗栗段修  
加以香澤花粉其餘衣物皆停唯公主降嫁則上遺舅  
姑○北齊皇太子納妃禮皇帝遣使納采有司備禮物  
會畢使者受詔而行主人迎於大門外禮畢會於廳事  
其次問名納吉並於納采納徵則使司徒及尚書令為  
使備禮物而行請期則以太常宗正卿為使如納采親  
迎則太尉為使三日妃朝皇帝於昭陽殿又朝皇后於

宣光殿擇日羣臣上禮他日妃還又他日皇太子拜閣  
皇太子及王聘禮納采問名納吉請期親迎皆用羔羊  
一口鴈一隻酒黍稷米麵各一斛納徵用玄三疋纁二  
疋束帛十疋大璋一虎皮二錦采六十疋綃二百疋羔  
羊一口羊四口犢二頭酒黍稷稻米麵各十斛從車百  
乘○隋皇太子納妃禮皇帝臨軒使者受詔而行主人  
俟於廟門使者執鴈主人迎拜於大門之東使者入升  
自西階立於楹間南面納采訖仍行問名儀事畢主人

請致禮於從者禮有幣馬其次擇日納吉又擇日以玉帛乘馬納徵又擇日告命又擇日命有司以特牲告廟冊妃皇太子將親迎皇帝臨軒醺而誡曰往迎爾相承我宗事勗帥以敬對曰謹奉詔既命羽儀而行主人几筵於門外西面拜皇太子答拜主人揖皇太子先入主人升立於阼階西面皇太子升進當房戶前北面跪奠鴈俛伏興拜降出妃父進西面戒之母於西階上施衿結帨及門內施鞶申之出門妃升輅乘以几姆加幃皇

太子乃馭輪三周馭者代之皇太子出大門乘輅羽儀

還宮雞鳴夙興以妃朝奠筭

音煩

於皇帝皇帝撫之又奠

筭於皇后皇后撫之席於戶牖間妃立於席西祭奠而

出○大唐皇太子納妃禮臨軒命使行納采問名納吉

納徵請期告廟臨軒醺戒親迎同牢朝見並如開元禮

公侯大夫士婚禮

周

漢

後漢

魏

晉

東

周制婚禮下達采用鴈

達通也

將合

婚必

先媒

氏下

通

陰陽往來之義如有從夫之道

主人筵於戶西西上右几

主人

女父也

筵為神布席

將以先祖遺體許人故受於祠廟席西上右設几神不統於人席有首尾使者至使者夫家之屬若羣

吏使往來者使往來者儗者出請事曰吾子有惠貺室某也吾子女父也有惠貺

下達貺賜也室某有先人之禮使某請納采上某婿父名下某使妻也某婿也

名者女父對云某之子蠢愚弗能教吾子命之某不敢辭

吾子使者主人如賓服迎於門外再拜賓不答拜揖入不答拜奉

使不敢當其盛當其盛賓升西階當阿東面阿棟也入堂深示親使者致命曰敢

納采主人阼階上北面再拜授於楹間南面授於楹間明為合好

其節同也而南並授之賓降出主人降授老鴈老鴈吏之尊者又執鴈請

問名如初禮曰某既受命將加諸卜敢請女為誰氏

使某

名也誰氏謙也不必斥其主人之女

對曰吾子有命且以備數而擇之某

不敢辭曰某氏儻者出請醴賓曰子為事故至於某室

某有先人之禮請醴從者

言從者謙不敢斥

賓對曰某既得將

事矣敢辭儻者曰先人之禮敢固以請賓曰某辭不得

命敢不從

醴賓以醴酒薦以脯醢略如一獻之禮

禮畢出主人送於門外

再拜納吉用鴈如納采禮

歸卜於廟得吉兆復使使往告之婚姻此始定

曰吾

子有貺命某加諸卜占曰吉使某也敢告

上某婿父名

對曰

某之子不教唯恐不堪子有吉我與在不敢辭

與猶無也

納

徵用玄纁束帛儷皮如納吉禮

徵成也使者納幣以成婚禮用玄纁者象陰陽

也雜記曰納幣一束束五兩兩五尋則每端二丈兩兩合其卷因謂之匹猶匹偶之云玄三匹纁二匹取三天

兩地之義曰吾子有嘉命貺室某也某有先人之禮儷皮束

帛使某也請納徵對曰吾子順先典貺某重禮某不敢

辭敢不承命請期用鴈主人辭賓許告期如納徵禮

主人

辭者陽唱陰和期日宜由夫家來也夫家必先卜得吉日乃使使者往辭即告曰吾子有賜命

某既申受命矣惟是三族之不虞使某請吉日

三族父昆弟己

昆弟子昆弟也虞度也不億度謂卒有死喪對曰某既三族已及子皆服周周則踰年欲及今之吉

前受命矣惟命是聽前受命者使者曰某命某聽命於

吾子上某壻父名對曰某固惟命是聽使者曰某使某受命

於吾子吾子不許某敢不告期曰某日對曰某敢不敬

須凡使者歸反命曰某既得將事矣敢以禮告禮所執脯主

人曰聞命矣凡行事必用昏昕賈公彥曰行此五禮皆用昕時昕早朝也親迎

一禮用昏時鄭玄曰必昏時陽往陰來之義故親迎期名為昏日入二刻半為昏日出二刻半為昕

日父醮子命之曰往迎爾相承我宗事相助也宗事宗廟之事勗



帥以敬先妣之嗣若則有常

勗勉也若猶汝也勉帥婦道以敬其為先妣之嗣汝之行

則當有常深戒之也

子曰諾唯恐不堪不敢忘命期初昏陳三鼎

於寢門外東方北面上設洗於阼階東南

洗所以承盥弃者水

饌於房中醯醬二豆菹醢四豆罇於室中北墉下有禁

玄酒在西綌冪加勺皆南柄

墉牆也禁所以度甌也玄酒不忘古也度音居委反

罇於房戶之東無玄酒篚在南實四爵合盞

無玄酒略之夫婦酌

於內罇其餘酌於外罇合盞破甌也四爵兩盞凡六為夫婦各三酌一升曰爵記曰共牢而食同尊卑也器用

禮然也

主人爵弁纁裳緇施乘墨車從車二乘執燭前

馬

主人婿也婿為婦主爵弁而纁裳玄纁之次也大夫以上親迎冕服冕服者鬼神之鬼神之者重之親之

也

纁裳者衣緇衣不言衣與帶而言施者明與施俱用緇謂以緇緣裳象陽氣下施也墨車漆車也士而乘

墨

車擗威也施以致反

婦車亦如之有袞

車同等士妻之車夫家共之大夫以上嫁女則

自以車送之使車裳幃也周禮謂之容車有容固有蓋也秩音昌占切

至婦氏大門外儼

者出請曰吾子命某以茲初昏使某將請承命

上某婿父名下

某婿名茲此也將行也某行昏禮來迎

對曰某固敬具以須主人筵於戶

西西上右几

主人女父也筵布神席

女次純衣纁衽立於房中南

面

次首飾也今時髮也衽緣也衽之言任也以纁緣其衣象陰氣上任也凡婦人不常施衽之衣盛昏禮為

此服耳喪大記曰復衣不以衽明非常服衽汝占切姆纓笄宵衣在其右姆婦人年五十

無子出而不復嫁能以禮教人者纓綳髮纓也笄今時替也纓廣充幅長六尺宵讀為綳詩云素衣朱綳綳綺

屬姆亦玄衣以綳為領在女右詔以婦禮主人玄端迎賓於門外西面再拜

賓東面答拜賓婿也主人揖入賓執鴈從至廟門揖入三

揖至於階三讓主人升西面賓升北面當楣北面奠鴈再拜

稽首降出婦從降自西階主人不降送賓升奠鴈拜主

為授女耳主人初女出於母左父西面戒之必有正焉不降送禮不參

若衣若笄言如衣如笄恒在身不忘曰戒之敬之夙夜無違命命舅姑之

令教母戒諸西階上不降施衿結帨曰勉之敬之夙夜無

違宮事

帨佩巾

庶母及門內施鞶申之以父母之命曰敬

恭聽宗爾父母之言夙夜無愆視諸衿鞶

庶母父妾鞶囊也女子鞶

絲以威悅巾之屬為謹敬也巾重也宗尊也諸之也示以衿鞶託戒使識之也壻御婦車授綏

姆辭不受曰未教不足與為禮也婦乘以几從者二人

坐持几相對

持几者重慎也乘以几尚安舒

姆加幃乃驅御者代

幃制如

朋衣加以為行道御塵驅行也輪三周御者乃代壻壻乘其車先俟於門外

乘之先導

之也男率女女從男夫婦則柔之義俟待也壻家大門外婦至主人揖婦以入及寢

門揖入升自西階媵布席於奧夫入於室即席婦罇西

南面

升自西階導婦人

贊設同牢饌卒食三醕用盞主人脫服

於房媵受婦脫服於室御受姆授巾

巾所以自潔清

御衽於奧

媵衽良席在東皆有枕北趾

衽卧席也婦人稱夫曰良趾足也

主人入

親脫婦之纓

入者從房還入室也婦人十五許嫁笄而禮之因著纓明有繫屬也蓋以五采為之

其制未聞

燭出

昏禮畢

見舅姑盥饋夙興婦沐浴纓笄宵衣以

俟見

昏明日之辰也見於舅姑寢門之外古者命士以上年十五父子異宮

質明贊見婦

於舅姑席於阼階舅即席席於房外南面姑即席

質平也房

外房戶婦執筭棗栗自門入升自西階進拜奠於席竹筭

器有衣者其形如今之筭筭籬也記曰筭緇被纁裏加於橋被表也橋制未聞筭音煩筭音羗居反舅坐

撫之興答拜婦還又拜還於先拜之處又拜婦人與丈夫為禮則俠拜降階受

筭段脩升進北面拜奠於席姑坐舉以興拜授人人有司也

贊醴婦席於牖戶之間戶室西牖東南面位婦立於席西贊酌醴

加枲面柄出房席前北面婦東面拜受贊西階上北面

拜送婦又拜薦脯醢婦拜贊者答拜婦又拜奠於薦東

北面坐取脯降出授人於門外奠於薦東升席奠之取脯降出授人親徹且榮

得禮人謂  
婦氏人

舅姑入於室婦盥饋特豚饋者婦道既成以孝養舅姑

共饗婦以一獻之禮

舅獻爵姑獻脯醢

舅姑先降自西階婦降

自阼階

授之室使為主明代已也

歸婦俎於婦氏人

言俎則饗禮有牲矣婦氏人丈

夫送婦者使有司歸俎當以反命於女之父母明其得禮

舅饗送者以一獻之禮酬

以束錦

送者女家之有司

姑饗婦人送者酬以束錦

婦人送者隸子弟之

妻凡婦人相饗無降

姑饗婦人送者於房無降者以北洗滌在上

○漢平帝

詔光祿大夫劉歆等雜定婚禮四輔公卿大夫博士郎

吏家屬皆以禮娶迎立軺倨馬

立乘小車也倨馬儼駕也新定此制也倨音步

幸切

○後漢鄭衆百官六禮辭大略同於周制而納采女

家答辭末云奉酒肉若干再拜及命其所稱前人不云

吾子皆云君六禮文皆封之先以紙封表又加以皂囊

著篋中又以皂衣篋表訖以大囊表之題檢文言謁篋

某君門下具禮物凡三十種各內有謁文外有贊文各

一首封如禮文篋表訖蠟封題用皂帔蓋於箱中無囊

表便題檢文言謁篋某君門下便書贊文通共在檢上

禮物按以玄纁羊鴈清酒白酒粳米稷米蒲葦卷柏嘉禾長命縷膠漆五色絲合歡鈴九子墨金錢祿得香草



鳳皇舍利獸鷺鷥受福獸魚鹿鳥九子婦陽燧總言物  
之所聚者玄象天練法地羊者祥也羣而不黨鴈則隨  
陽清酒降福白酒歡之由糗米養食稷米粱或蒲眾多  
性柔葦柔之久卷柏屈卷附生嘉禾須祿長命縷縫衣  
延壽膠能合異類漆内外光好五色絲章采屈伸不窮  
合歡鈴音聲和諧九子墨長生于孫金錢和明不止祿  
得香草為吉祥鳳皇雌雄伉合舍利獸廉而謙鷺鷥飛  
止須匹鳴則相和受福獸體恭心慈魚鰕淵無射鹿者  
祿也鳥知反哺孝於父母九子婦有四德陽燧成  
明安身又有丹為五色之榮青為色首東方始

○魏

制諸侯娶妃以皮馬為庭實加以大璋王娶妃公主嫁

五禮用絹百九十匹○晉太康八年有司奏王侯婚禮

玄纁束帛加璧乘馬大夫用玄纁束帛加羊

奏曰古者以皮馬庭

實天子加穀珪諸侯加大璋可依周禮改  
璧用璋其羊鴈酒米玄纁之禮並如故

諸侯婚禮加

納采告期親迎各帛五疋及納徵馬四匹皆令夫家自

備唯璋官為具足

尚書朱整議按魏氏故事王娶妃公主嫁之禮天子諸侯以皮馬為庭實

天子加以穀珪諸侯加以大璋漢高祖制聘后黃金貳萬斤馬十二匹聘夫人黃金五千斤馬四匹魏制娶妃公主嫁之禮用絹一百九十匹及晉興故事用絹三百匹詔曰公主嫁由夫氏不宜皆備物賜錢使足而已唯給璋餘如故

○東晉王堪六禮辭並為贊頌儀云於版上各

方書禮文壻父名媒人正版中納采於版左方裹以皁

囊白繩纏之如封章某官某君大門下封某官甲乙白

奏無官言賤子禮版奉案承之酒羊鴈繒采錢米別版

書之裏以白繒同著案上羊則牽之豕鴈以籠盛繒以

筍盛采以匱

音

盛米以黃絹囊盛米稱斛數酒稱器脯

腊以斤數媒人齎禮到女氏門使人執鴈主人出相對

揖畢以鴈付主人侍者媒人進主人侍者執鴈立於堂

下從者以奉案入媒人退席當主人前跪曰甲乙使某

敬薦不腆之禮

按禮唯婚辭云不得稱不腆故婚記云幣必誠辭無不腆此恐王堪之說有誤

云主人跪答曰君之辱不敢辭事畢還座從者進奉案

主人前主人侍者以鴈退禮物以次進中庭主人設酒  
媒人跪曰甲乙使某獻酒却再拜主人答拜還座主人  
酢媒人媒不復答○齊東昏侯永元元年尚書令徐孝  
嗣上議曰按婚禮實篚以四爵加以合卺既崇尚質之  
禮及象判合之義三王作之而用大古之器重夫婦之  
始也今雖以方標示約而彌乖昔典又連卺以鎖蓋出  
近俗復別有牢燭雕費彩飾亦曩制請除金銀連鎖自  
餘雜器悉用埏陶堂人執燭足充燎牢燭華侈亦宜停

省奏可。○梁大同五年臨城公婚夫人於皇太子妃為  
姑姪遂見之制議者互有不同皇太子令曰纁鴈之儀  
既稱合於二姓酒食之會亦有因不失親若使榛栗段  
脩贄饋必舉副笄編珈盛飾斯備不應婦見之禮獨以  
親闕頃者敬進醢醴已傳婦事之則而舉盤沃盥不行  
侯服之家是知繁省不同質文異代臨城公夫人於妃  
既是姑姪宜停省。○北齊婚禮聘第一品以下至三品  
用玄三匹纁二匹束帛十匹璧一四品以下豹皮二六品

以下至從九品用鹿皮

錦采四十匹二品三十匹三品二十匹

四品

雜采十六匹五品十匹六品七匹五匹

綃百四十匹二品百二十匹三品

百匹

六品以下至九品遞降二十匹

羔羊一口羊二口犢二頭酒黍稷

稻米麵各四斛

四品五品犢一酒黍以下各二斛六品以下無犢酒黍以下俱各一斛

○

議曰上古人食禽獸之肉而衣其皮毛周氏尚文去質

玄衣纁裳猶用皮為韉所以制婚禮納徵用玄纁儷皮

充當時之所服耳秦漢以降衣服制度與三代殊乃不

合更以玄纁及皮為禮物也又有用虎皮豹皮者王彪

之云取威猛有斑彩尤臆說也

彪之當時有學知禮者且婦人主中饋婦道本

柔順乃云取其威猛何乃謬誤

人之常情非今是古不詳古今之異制

禮數之從宜今時俗用五色信頗謂得禮之變也或曰近代所以尚循玄纁儷皮之制男女配合教化人倫示存古儀務重其禮安可捨棄有類去羊答曰玄纁及皮當時之要詳觀三代制度或沿或革不同皆貴適時並無虛事豈今百王之末畢循往古之儀如三代制天子諸侯至庶人祭則立尸秦漢則廢又天下列國唯事征

伐志存於射建侯擇士皆主於斯秦漢以降改制郡縣  
戰爭既息射藝自輕唯祀與我國之大事今並豈要復  
舊制乎其朝宗覲遇行朝享禮畢諸侯皆右肉袒於廟  
門之東乃入門右北面立告聽事今豈須行此禮乎賓  
禮甚重兩楹間有反爵之坫築土為之今會客豈須置  
坫乎又並安能復言古道邪略舉數事其餘可知也何  
必納徵猶重無用之物徒稱古禮是乖從宜之旨易曰  
隨時之義大矣哉先聖之言不可誣也○大唐顯慶四



年十月詔天下嫁女受財三品以上之家不得過絹三百匹四品五品不得過二百匹六品七品不得過一百匹八品以下不得過五十匹皆充所嫁女資裝等用其夫家不得受陪門之財

李義府奏

太極元年十一月左司郎

中唐紹上表曰士庶親迎之禮備諸六禮所以承宗廟事舅姑當湏昏以為期詰朝謁見往者下俚庸鄙時有障車邀其酒食以為戲樂近日此風轉盛上及王公乃廣奏音樂多集徒侶遮擁道路留滯淹時邀致財物動

踰萬計遂使障車禮貺過於聘財歌舞喧譁殊非助感  
既虧名教又蠹風猷諸請一切禁斷從之開元十九年  
四月勅於京城置禮會院屬司農寺其什物各令所司  
供

院在崇仁坊南街

建中元年十一月禮儀使顏真卿等奏郡

縣主見舅姑請於禮會院過事明日早舅姑坐堂行執  
筭之禮具觀華燭伏以婚禮主敬竊恐非宜並請停障  
車下壻却扇等行禮之夕可以感思至於聲樂竊恐非  
禮並請禁斷相見儀制近代設以氍帳擇地而置此乃

虜禮穹廬之制合於堂室中置帳請准禮施行俗忌今  
時以子午卯酉年謂之當梁年其年娶婦舅姑不相見  
蓋禮無所據亦請禁斷並從之其制多因周禮以三品  
以上五品以上六品以下為降殺並如開元禮

通典卷五十八

欽定四庫全書

通典卷五十九

唐 京兆杜佑君卿纂

禮十九 嘉四

宗子父歿母命婚父母俱歿自命婚及支子稱宗

弟宗兄等婚議

周

周制宗子無父母命之親皆歿已躬命之

宗子嫡長子也命之命使

也

支子則稱其宗

支子庶昆弟稱其宗子命使者

弟稱其兄

弟宗子之母弟也

春秋紀裂繻來逆女公羊傳云何以不稱使

據宋公使公孫壽來

納幣稱使也

婚禮不稱主人

為養廉遠耻也

然則何稱稱諸父兄師

友宋公使公孫壽來納幣則其稱主人何辭窮也辭窮

者何無母也

禮有母毋當命諸父兄師友稱父兄師友以行宋公無母莫使命之辭窮故自命之

自命之故不稱使也

然則紀有母乎曰有

以不稱使

有則何以不稱

母

據非主人可稱母通使

母不通也

禮婦人無外事但得命諸父兄師友稱諸父兄師友以行

耳母命不得達故不得稱母通使所以遠別也

舅姑俱歿婦廟見

周

漢

北齊

周制若舅姑既歿則婦入三月乃奠菜

奠菜者以萑祭也菜蓋用萑三

月一時婦道可成也孔穎達曰若舅歿姑在者則當時見姑三月亦廟見舅若舅在姑歿婦人無廟可見或更有繼姑自

席於廟奧東面右几席於北方南面

廟考妣之廟也

北方北墉下

祝盥婦盥於門外婦執笄菜祝帥婦以入祝告

稱婦之姓曰某氏來婦敢奠嘉菜於皇舅某子

帥導也入入室

也某氏齊女則曰姜氏魯女則曰姬氏來婦言來為婦也嘉美也皇君也某子者若今言某官府君也

婦

拜扱地坐奠菜於几東席上又拜如初禮

扱地手至地也婦人扱地

猶男子稽首賈公彥曰婦人肅拜為正今云手扱地則婦人之重拜猶男子稽首扱地首不至地但手至地也

板音禁  
甲反

婦降堂取筭菜以入祝曰某氏來婦敢告於皇

姑某氏奠菜於席如初禮

降堂階上也室事交於戶今降堂者敬也於姑言敢告舅

尊於姑  
者也

婦坐祝闔牖戶

凡廟無事則閉之

老醴婦於房中南面

如舅姑醴婦之禮

因於廟見禮之賈公彥曰如始至時使贊醴婦之禮處所則別也

壻

饗婦送者丈夫婦人如舅姑饗禮○漢平帝四年以王

莽女為皇后見於高廟○北齊納后以朝見後又擇日

謁廟皇帝使太尉先以太牢告而後徧見羣廟

公主出降

拜舅姑附○大唐



大唐貞觀六年長樂公主出降太宗以皇后所生勅有司資送倍於永嘉長公主祕書監魏徵諫曰不可昔漢明皇帝欲封其子云我子豈得與先帝子等可半楚淮陽前史以為美談天子姊妹為長公主天子之女為公主既加長字即是有所尊崇或可情有淺深無容禮有踰越上然其言長孫皇后遣使齎絹四百疋詣徵家賜之貞觀中侍中王珪子敬直尚太宗女南平公主禮有婦見舅姑之儀自王姬下降此事多略珪曰此禮之廢

由來久矣今上欽明動循法制吾受公主謁見豈為身榮哉以成國家之美耳於是夫妻西向坐公主親執筭行盥饋之道禮成而退物議善之是後公主有舅姑者皆備婦禮自珪始也顯慶二年詔曰比聞公主出適王妃作嬪舅姑父母皆降禮答拜此乃子道云替婦德不循何以式序家邦儀刑列辟自今以後可明加禁斷使一依禮法若更有以貴加於所尊者令有司隨事糾聞三年又詔曰古稱釐降唯屬王姬比聞縣主適人皆云

出降娶王女者亦云尚主濫假名器深乖禮經其縣主

嫁宜稱適取王女者稱娶仍永以為式

開元十六年唐昌公主出降有

司進儀注於紫宸殿行五禮右補闕施敬本等上疏曰切以紫宸殿者漢之前殿周之路寢陛下所以負黼宸正黃屋饗萬國朝諸侯大臣至敬之所猶元極可見不可得而升也昔周女出降於齊而以魯之侯為主但有外館之法而無路寢之事今欲紫宸會禮即當臣下攝行馬入於庭醴升於牖主人授几迨巡紫宸之間賓使就筵登降赤墀之地又據主人辭稱吾子有事至於寡人之室言辭僭越事理乖張既黷威靈深虧典制其間名納采等事並請權於別所從之遂移於光順門外設次行禮

不親迎壻見外舅姑

反馬送女附○周

周制婚禮壻若不親迎則婦入三月然後壻見曰某以

得為外婚姻請覲

女氏稱婚壻氏稱姻覲見也若壻不親迎三月後壻往見婦之父母

主

人對曰某以得為外婚姻之數某之子未得濯漑於祭

祀是以未敢見今吾子辱請吾子之就宮某將走見

主人

女父也

對曰某以非他故不足以辱命請終賜見

非他故彌親之

辭也命謂將走見之命

對曰某以得為婚姻之故不敢固辭敢不

從

不言外亦彌親之辭也

主人出門左西面壻入門東面奠贄再

拜

出門出內門也入門入大門也出內門不出大門異於賓客壻見於寢奠贄者壻有子之道焉不敢授之

也贅難

儉者以贅出請受

欲使以賓客禮相見

壻禮辭許受贅入主

人再拜受壻再拜送出

出已見女父

見主婦主婦闔扉立於

其內

主婦主人之婦也見主婦者兄弟之道宜相親也闔扉者婦人無外事也扉左扉也爾雅曰母及妻

黨為兄弟

壻立於門外東面主婦一拜壻答再拜主婦又拜

壻出

必先一拜者婦人於丈夫則夾拜

主人請醴及揖讓入醴以一獻

之禮主婦薦奠酬無幣

及與也無幣異於賓客

壻出主人送之再

拜春秋齊大夫高固詣魯逆叔姬又與子叔姬歸寧反

馬也

禮送女留其送馬諱不敢自安也三月廟見遣使反馬高固遂與叔姬歸寧故經傳具見以示譏也

凡諸侯嫁女於敵國姊妹則上卿送之以禮於先君公  
子則下卿送之於大國雖公子亦上卿送之於天子則  
諸卿皆行公不自送於小國則上大夫送之尊不送卑  
大夫亦遣  
臣送之士則  
有司送之

婚禮不賀議

上禮附○周

東晉

宋

北齊

周制記曰婚禮不賀人之序也

序猶代也

賀娶妻者曰某子

使某聞子有客使某羞

謂不在賓客之中使人往者羞  
進也言進於客古者謂羞為進

其禮蓋壺酒束脩若犬也不斥主人婚禮  
不賀故也古者致禮於人用犬即食犬也

○東晉成帝

納后羣臣畢賀時謂非禮

議具納后篇

穆帝永和三年納后

議賀不王述曰婚是嘉禮應賀

述按春秋傳曰娶者大吉非常吉又傳曰鄭子

罕如晉賀夫人鄰國猶相賀况臣下邪如此便應賀王但不在三日內耳今因廟見成禮而賀亦是一節也

彪之議婚姻不賀無應賀之禮

彪之按婚禮不賀不樂傳稱子罕如晉賀夫人

既無明文又傳不云禮也禮娶婦之家三日不舉樂至於不賀無三日之斷

撫軍答諸尚書

云禮官所據誠是古典然禮亦隨時今既已從近代而

上禮上禮即是稱慶將是賀例又恭后時已賀今依舊

亦可通

恭后成帝后杜氏即鎮南將軍元凱曾孫也

彪之云納悼后起居注

無賀文而有上禮武帝以長秋再建感愴不叙詔通斷之納恭后記注有賀文時亦上禮按禮云婚禮不賀又云賀娶妻者愚謂禮傳婚姻無直相賀之禮而有禮貺其慶會之義今代所共行范汪云先朝所以上禮而不賀者依傍賀娶妻也雖名曰賀實是酒食無慶語也但是吉事故曰賀耳思親之序故慶辭不可以達於主人然吉禮宜有叙情故獻酒食而已先朝行之近代得禮至於恭后時賀是王丞相導以明君臣之恩本不以為



將來之法彪之云足下不賀意同而叙之小異吾謂婚禮不賀者謂不如今三節特賀也禮記所以復言賀娶妻者固獻酒食而有慶語也是不明然賀之而於會同因有獻辭足下今云都不應有慶辭則何得獻酒肉會同邪亦與足下上禮辭不同自為矛盾又從伯丞相時相賀何必非失足下以往賀為美事以今不賀為得禮亦不能兩濟斯義庾蔚之議按禮文及鄭注是親友聞主人有吉事故遣人送酒肉以賀之但婚有嗣親之感

故不斥主人以賀婚唯云為有客而已今上禮既所為者婚亦不得都無慶辭彪之議為允於時竟不賀但上禮升平元年臺符問皇后拜訖何官應上禮上禮悉何用太常王彪之上書以為上禮唯酒犢而已犢十頭酒十二斛王公以下名在三節祥瑞自簡慶賀錄者悉賀左傳曰會吳於鄆吳徵百牢子服景伯曰周制上物不過十二天之大數也太學博士雖不在賀而常小會者同悉應上禮○宋皇太子納妃上禮

語具本篇

○北齊納后

太子納妃羣臣上禮

語見本篇

婚不舉樂議

東晉

東晉升平元年八月符問迎皇后大駕應作樂不博士胡訥議臨軒儀注無施安鼓吹處所又無舉麾鳴鐘之條太常王彪之以為婚禮不樂鼓吹亦樂之總名儀注所以無者為婚禮也臣伏重詳禮云婚禮不作樂幽陰之義樂陽氣也又云娶婦之家三日不舉樂思嗣親也自王者下達迎大駕鹵簿及至尊升太極並闕此條當

是依三日不舉樂之禮愚謂殿庭設大駕鹵簿鼓吹並可備儀而已蘭臺太常主者按儀注云皇后列人自閭闔掖門鳴鐘鼓填門露仗如儀注之條按諸門唯有鼓無鐘既云鳴鐘則應施鐘既施鐘則施建鼓若如寺卿今意不作樂者當復安懸而不作彪之又議魏晉舊制晝夜漏既盡門鳴鼓鳴鐘吉凶鼓鐘常用非樂也舊儀皇帝乘輿列閭闔掖門鳴鼓鐘所以聲告內外耳今自應施鐘若他事會黃門侍郎舉麾舊應作宮懸金石之

樂鳴鐘鼓中朝無宮懸設軒懸中興以來無此樂故唯  
作鼓吹鳴鐘以擬宮懸金石耳婚禮三日不作樂經典  
明文愚謂宜如舊儀至尊升殿舉麾作樂迎皇后大駕  
不應鼓吹

男女婚嫁年紀議

太古

周

大唐

太古男五十而娶女三十而嫁中古男三十而室女二

十而嫁

逸禮本命  
篇云然

堯舉舜曰有鰥在人間

鰥三  
十也

以其二

女妻之二十而行之○周文王十五生武王

左傳曰國  
君十五而

生子禮也許慎云文王十五生武王武王已有兄知人君早娶矣

地官媒氏掌萬民之

判

判半也得耦為合言主合其半以成夫婦也

男三十而娶女二十而嫁

者天地相承覆之數也易曰參天兩地而倚數

有故則二十三而嫁

故謂父母之喪曲

禮曰男子三十曰壯有室

許慎云包字以為象懷妊已在其中象子未成形也元氣

起於子人所生也男左行三十女右行二十俱立於巳為夫婦懷妊於巳巳為子也十月而生男起巳至寅女起巳至申故男年始寅女年始申尚書大傳孔子曰男子三十而娶女子二十而嫁女二十而通纖緼績紡之事黼黻文章之美不若是則上無以考於舅姑下無以事夫養子也春秋穀梁傳男子二十而冠冠而列丈夫三十而娶白虎通云男子三十娶女子二十嫁何陽數奇陰數耦也男長女幼何陽道舒陰道促男三十筋骨

堅強任為人父女二十肌膚充盛任為人母合為五十  
應大衍之數可生萬物也禮曰女子十五許嫁笄而字  
禮之稱字故陰繫於陽所以專一之節也陽尊無所繫  
二十五繫者就陰節也陽舒而陰促三十數三終奇陽  
節也二十數再終耦陰節也陽小成於陰大成於陽故  
二十而冠三十而娶陰小成於陽大成於陰故十五而  
笄二十而嫁也一說春秋穀梁傳曰男二十五繫女十  
五許嫁感陰陽也陽數七陰數八男八歲毀齒女七歲  
毀齒陽數奇故三三八二十四加一為二十五而繫心  
也陰數耦故再成十四加一為十五故十五許嫁也各  
加一者明其專一繫  
心所以防淫佚也

周末越王勾踐蕃育庶人欲速報

吳使男二十而娶女十七而嫁

春秋外傳云然

○議曰鄭玄據

周禮春秋穀梁逸禮本命篇等男必三十而娶女必十

五乃嫁王肅據孔子家語服經等以為男十六可娶女十四可以嫁三十二言其極耳又按家語魯哀公問於孔子曰男子十六而精通女子十四而化育是則可生人矣而禮必三十而室女必二十而嫁豈不晚哉孔子曰夫禮言其極耳不是過也男二十而冠有為人父之端女十五許嫁有適人之道又曰孔子年十九而娶於宋之亾官氏又曰孔子七十三而終伯魚年五十先孔子而卒而服經有為夫婦之長殤據此王鄭之說義



並未明今按三十二而嫁娶者周官云掌萬民之判  
即衆庶之禮也故下云於是時也奔者不禁服經為夫  
姊之長殤士大夫之禮也左傳十五而生子國君之禮  
也且官有貴賤之異而婚得無尊卑之殊乎則卿士大  
夫之子十五六之後皆可嫁娶矣○大唐貞觀元年二  
月詔其庶人男女無室家者並仰州縣官人以禮聘娶  
皆任其同類相求不得抑取男年二十女年十五以上  
及妻喪達制之後孀居服紀已除並須申以婚媾令其

好合若守志貞潔並任其情無勞抑以嫁娶

嫁娶時月議

夏周

夏小正記曰二月娶妻之時○周制仲春之月令會男

女

仲春陰陽交以成婚禮順天時也白虎通曰嫁娶以春者何春天地交通萬物始生陰陽交接之時也詩

云士如歸妻

迨冰未泮

於是時也奔者不禁

重天時權許之

○議曰按鄭

玄嫁娶必以仲春之月

元之所據周官媒氏仲春之月令會男女

王肅以為

秋冬嫁娶之時也仲春期盡之時矣

肅據詩云三星在天三星謂參十月

見東方時可以嫁娶矣肅言三時務業因向休息而合婚姻

孫卿云霜降迎女冰泮

殺止

且霜降而婦功成於時迎女董仲舒書曰聖人以男女當天地之陰陽天地之道向秋冬而陰氣來

向春夏而陰氣去是故古之人霜降而迎女冰泮而殺止與陰俱近與陽俱遠詩云匪我愆期子無良媒將子無愆期以為期

孔子家語云羣生閉藏於陰而育之始

也將音七羊反

故聖人因時以合偶男女窮天數霜降而婦功成嫁娶

者行焉冰泮而農桑起婚禮殺於此焉又云冬合男女

春班爵位皆謂順也

馬昭非肅曰周禮仲春令會男女殷頌天命玄鳥降而生商月令仲

春玄鳥至之日祀於高禖玄鳥孚乳之月以為嫁娶之候孔晁答曰周官云凡娶判妻入子者皆書之此謂霜降之候冰泮之時正以禮婚者也次言仲春令會男女奔者不禁此婚期盡不待備禮玄鳥至祀高禖求男之

象非嫁娶之候昭又難曰詩云有女懷春吉士誘之春  
日遲遲女心傷悲嗚彼小星三五在東綢繆束芻三星  
在隅我行其野蔽芾其樛倉庚于飛熠燿其羽凡此皆  
興於仲春嫁娶之候晁曰有女懷春謂女無禮過時故  
思春日遲遲蠶桑始起女心悲矣嗚彼小星喻妾侍從  
夫人蔽芾其樛喻行過惡人熠燿其羽喻嫁娶盛飾皆  
非仲春嫁娶之候玄據期盡之教以為正婚則奔者不  
禁過於月昭又曰肅引經秋以為期此乃淫奔之詩  
矣張融曰易泰卦六五帝乙歸妹以祉元吉舊說六五  
爻辰在卯春為陽中萬物生育嫁娶大吉也春秋魯迎  
夫人四時通用家語限以冬不符春秋非孔子言也三  
代嫁娶以仲春為期盡之言且婚姻而合德天地配陰  
陽會通之數合於春女樂與公子同歸之志符於南山  
採薇之歌協於我行蔽芾之嘆同於行露厭浥之節驗  
於夏小正緱多士女之制不殊咸秦之卦暢於周禮仲  
春之令矣庾蔚之謂王鄭皆有證據以人情言之王為

優矣音呼銳  
反音方味反

按東哲云春秋二百四十年魯女出嫁

夫人來歸大夫逆女天王娶后自正月至十二月悉不以得時失時為褒貶何限於仲春季秋以相非哉夫春秋舉秋毫之善貶纖芥之惡故春狩於郎書時禮也夏城中丘書不時也此人間小事猶書得時失時况婚姻人倫端始禮之大者不譏得時失時不善者邪若婚姻季秋期盡仲春則隱二年冬十月夏之八月未及季秋伯姬歸於紀周之季春夏之正月也桓九年春季姜歸

於京師莊二十五年六月夏之四月也已過仲春伯姬歸於紀或出盛時之前或在期盡之後而經無貶文三傳不譏何哉凡詩人之興取義繁廣或舉譬類或稱所見不必皆可以定時候也又按桃夭篇叙美婚姻以時蓋謂盛壯之時而非日月之時故灼灼其華喻以盛壯非為嫁娶當用桃夭之月其次章云其葉蓁蓁有蕢其實之子于歸此豈在仲春之月乎又標有梅三章注曰夏之向晚迨冰未泮正月以前草蟲嚶嚶未秋之時或

言嫁娶或美男女及時然詠各異矣周禮以仲春會男  
女之無夫家者蓋一切相配合之時而非常人之節曲  
禮曰男女非有行媒不相知名故日月以告君齋戒以  
告鬼神若常人必在仲春則其日月有常不得前却何  
復日月以告君乎夫冠婚筭嫁男女之節冠以二十為  
限而無春秋之期筭以嫁而設不以日月為斷何獨嫁  
娶當繫於時月乎主肅云婚姻始於季秋止於仲春不  
言春不可以嫁也而馬昭多引春秋以為之證反詩相

難錯矣兩家俱失義皆不通通年聽婚蓋古正禮也今按士婚禮請期之辭云唯是三族之不虞卜得吉日則可配合婚姻之義在於賢淑四時通用協於詩禮安可  
以秋冬之節方為合好之期先賢以時月為限恐非至當束氏之說暢於禮矣

已拜時而後各有周喪迎婦遣女議

晉

束晉

晉懷帝永嘉中太常潘尼為子娶黃門郎李循女已拜時後各有喪潘迎婦李遣女國子博士江統侍中許遐



同議已拜舅姑者宜准女在塗之禮齊縗大功三月既  
葬可迎婦按禮記在塗而壻之父母死則改服赴喪女  
之父母死則反而服周今已拜舅姑其義同於在塗也  
降其親而服夫黨非婦而何禮父母既歿而娶三月廟  
見成婦之義舅姑存則盥饋特豚以成婦道皆明重其  
成婦不繫其成妻也然則未廟見女死還葬於女氏若  
已見舅姑雖無衽席之接固當歸葬於夫家此非可否  
之斷乎禮壻親迎女未至而有齊縗大功之喪男不入

改服於外次女入改服於內次即位哭又齊縗大功之喪三月既葬雖不可以納徵而可正御矣何琦駁江許議曰夫正名者理道之本然拜時非古而行之歷代遂以成俗古者布其几筵恭告祖禰將納他族以奉宗事父親醮子而命之迎女受父母之遣以涉夫氏之庭而交拜敬之禮在塗喪紀定矣服制既正齊功卒哭可迎此不關於古而通於今議是也然婚姻之道公私急務愚以為拜時及一日二日之婦婦名既正即宜一揆其

衾綢未接歸葬其黨○東晉廢帝太和中平北將軍郗  
愔上言功曹魏隲周喪內迎拜時婦鄉曲以違禮譏之  
謝奉與郗牋曰魏隲後來之良足以日新其美近聞邑  
有異議從弟異亦當拜時婦家遭喪卽是其例夫拜時  
之禮誠非舊典盖由季代多難男女宜各及時故為此  
制以固婚姻之義也雖未入壻門今年吉辰拜後歲俗  
無忌便得以成婦迎之正以策名委質有定故也謝安  
議拜時雖非正典代所共行久矣將以三族多虞歲有

吉忌故逆成其禮。○宋庾蔚之謂俗既流弊故以拜時代三日推其始意當是貪得從省以赴吉歲若周大功之喪既葬不可迎已拜之婦則與始婚不異非其旨也

已拜時壻遭小功喪或婦遭大功喪可迎議

晉

晉中書郎范汪問劉惔曰從妹與荀始文婚已及好歲拜時有從叔父德度喪會叔親患危篤欲令荀氏迎從妹盡婦敬於夫氏以有此喪為難故為此議拜時出於近代將以宗族多虞吉事宜速故好歲拜新年便可迎

也惡歲可迎是拜時已成婦也在塗之婦猶服夫氏况已交拜禮成便當迎是長還也悞答云荀今從叔喪三月小功之服禮云小功之末可以納妻如此自可比初婚何疑蔡謨曰古人君爵命其臣在遠則遣使太公既封齊五侯九伯實得征之即王使召康公所命也至今詔使拜授亦當如此豈有疑乎易曰家有嚴君父母之謂今壻父命使拜其婦女父遣女拜受此命即是太公受命於召康公今人拜爵於詔使也而云未拜舅姑未

為成婦然則太公未拜周王亦非方伯乎不修婦禮是其失耳至於是婦與非自當以典禮為正安得從彼所行假令太公不行臣禮王者便當不臣之乎謂拜壻之宗親與拜舅姑於禮無異又會稽王道子與王彪之書曰東海王來月欲迎妃而女身有大功服此於常禮當是有疑但先拜時大禮已交且拜時本意亦欲通如此之闕耳不得同之初婚固當在於可通彪之答曰女有大功服若初婚者禮例無許既已拜時猶復不同昔中

朝許侍中等曾議此事以為拜時不應以喪為疑倚傍  
經禮甚有理據談者多謂是殿下可視而量之

拜時婦三日婦輕重議


按禮經婚嫁無拜時三日之文自後漢魏晉以來或為  
拜時之婦或為三日之婚魏王肅鍾毓毓弟會陳羣羣  
子泰咸以拜時得比於三日晉武帝謂山濤曰拜於舅  
姑可准廟見三日同牢允稱在塗濤曰愚論已拜舅姑  
重於三日所舉者但不三月耳張華謂拜時之婦盡恭

於舅姑三日之婚成吉於夫氏准於古義可為成婦已  
拜舅姑即是廟見常侍江應元等謂已拜舅姑其義同  
於在塗或曰夫失時之女許不備禮蓋急嫁娶之道也  
三日之婦亦務時之婚矣雖同牢而食同衾而寢此曲  
室衽席之情義耳豈合古人亡則奠菜存則盥饋而婦  
道成哉且未廟見之婦死則反葬女氏之黨以此推之  
貴其成婦不係成妻明拜舅姑為重接夫為輕所以然  
者先配而後祖陳鍼子曰是不為夫婦誣其祖矣非禮



也此春秋明義拜時重於三日之徵也○議曰有夫婦而後有父子有父子而後有君臣則婚姻王化所先人倫之本拜時之婦禮經不載自東漢魏晉及於東晉咸有此事按其儀或時屬艱虞歲遇良吉急於嫁娶權為此制以紗縠幪女氏之首而夫氏發之因拜舅姑便成婦道六禮悉捨合卺復乖隳政教之大防成容易之弊法王肅鍾毓陳羣山濤張華蔡謨皆當時知禮達識者何謂不非之邪豈時俗久行因循且便或彼衆我寡議

論莫從者乎宋齊以後斯制遂息後之君子無愧前賢



通典卷五十九